

啟雋類函

漢書門類			
四	八	四	一
冊	架	函	號

內閣文庫			
三	二	一	漢
冊	冊	冊	書
函	架	架	類

內閣文庫			
番號	漢	11400	
冊數	48 ( 79)		
函號	364	52	



啓雋近體卷五十一

類函六十二

東吳俞慶期美長彙編

上饒王嗣經日常同輯

建武鄧漢遠遊訂定

內臺部




賀各鎮平賊

賀鹽海趙邊鎮陞爵啓

原作制置

宋人

寇萊公之鎮北門契丹服其望重范文正之理西夏  
元昊懼而膽寒海水無波天顏有喜恭惟某官高明  
傑特沈厚疏通眼空天下之英才最高地步學運胸  
中之武庫至敏天資江淮十年旗鼓百戰指畫斷何



奴之臂今世古人譚笑取郅支之頭文場武將大勳  
赫奕于旂常雅志婆娑于泉石時方多事君豈久閑  
蜀國何茫然猶起一琴于清獻鄉鄰有鬪者且思三  
箭于將軍吏皆趨庭帝方前席灑雒如象焉用泛東  
吳之艘渭水非熊亟入運西樞之柄樸其邀庸材天  
瘳弱質登龍門而未遂運驪駕以何堪晉公之貌孰  
似庶知道左之迎大農之穀幾何庸上關中之計心  
勤燕賀望切蛟騰

賀撫臺王陽明啓

平寧

明費案

伏審儒者知兵相臣出將殲渠魁以昭王度除群醜  
以奏膚功九域同歡一家尤幸微君子其何能國在  
丈人乃克帥師方叔顯允而制荆蠻仲尼文武而盟  
夾谷恭惟某官天畀弘猷世基碩德行高而心獨古  
才大而用不窮爰直道以事人肆忤姦而去位孤忠  
自許百折不回繼承前席之求亟拜賜環之命歷敷  
中外所至皆赫赫有聲槩視險夷無入不怡怡自得  
盛名允副重荷攸歸來控三垂獨當一面下車平賊  
境內晏然退食受徒吾道南矣快若鸞鳳瑞世隱然

虎豹在山廼值寧藩忍于天紀其所賢者五而智伯  
不仁不足畏者三而楚武心蕩箠言可醜蓋穢德之  
彰聞國事日非惟奸回之崇信無罪而殺民殺士非  
辟而作福作威何患無詞能入端人之罪惟知有利  
輒傾厚殖之家神人共憤者數年道路以目者千里  
魄由天奪怒激主知懼隱惡之彌彰恣通謀之大露  
驅囚徒而出戰磔命吏以張聲罪浮於南淮之謀刺  
將軍律可同吳王之招納亡叛矯傳惑眾僭擬稱尊  
計竊鼎于南都大揚帆而東下雖亂臣賊子人知不  
共戴大而後顧前瞻疇肯率先報國况長安之日遠

兼蜀道之時艱守臣盡入網羅疆圉誰其犄角人心  
騷動事勢幾危幸天不廢其所興而公可托之大事  
身名兩得智勇萬全一馳河北之文盡下山東之淚  
群僚響應壯士先登况志久奮于祖鞭而力莫勞於  
侃甓悅安社稷誠動鬼神宜茲先發後聞倏爾一月  
三捷長江天塹既回魏虜之戈赤壁火攻悉燼曹瞞  
之艦室家胥慶海宇一新事可方之古人功實蓋於  
天下西人膽破魏公之勲望益隆下蔡功成晉國之  
經營先定似茲雋舉亦豈倖成雖公匡國以興六月  
之師實天賜公以活一方之命某依憑善類舊忝登

龍居處亂邦素傷譚虎托二天而倖免瀕九死以更  
生喜隕自天恩詩無地慚請纓之已後忍擊壤之莫  
前恐門高而言則難幸惟俯納然室遠而心則邇可  
遽遐遺伏惟君子龍光茂德音於不爽大人虎變守  
謙吉以有終未遂參承益深企倚中敘事可  
作露布

賀南贛軍門奏捷啓平寇

明陳經邦

天啓昌期勝筭成萬全之策神資良弼奇勲樹再造  
之勲喜溢薦紳歡騰黔赤恭惟某官斗山重望文武  
全材胸中蘊疊疊甲兵驚破西戎之膽帳下擁桓桓  
虎豹奮揚中國之威功業不獨數乎汾陽武烈更堪

追乎武子斗南仁傑蒼生疇不屬心江左夷吾天子  
還須拭目顧茲蠢醜敢操盾戟于中原維我元勲直  
掃烟塵于邊鄙旬服消左言之俗廟廊紆南顧之憂  
樽俎折衝五花六花制勝旌麾指顧八遇八克奏功  
是固皇穹申命于中興抑亦雄畧宣威于蓋世也某  
才慚鳩拙學例蛙鳴視茲勝事未能撰唐朝饒吹之  
歌仰此奇功祇第羨宋室柘臯之捷薄言燕喜聊託  
魚箋伏冀台涵少旌塵悃

賀邢制臺加恩啓平倭

明萬世德

虜功丕奏慶典弘敷方折衝樽俎之間權衡北斗爰

謨彌廟堂之上羽翼東朝策勲上掩乎前修懋賞永  
延于後裔收疆復宇藩籬益固于興邦開國承家闕  
闕大光于師武寵來蕃庶賀倍揄揚恭惟某官山嶽  
望崇風雲遇合功昭宗社居然爲萬里長城業滿邊  
陲豈直稱兩朝元老若遼夏之間司馬如羗虜之服  
于儀米山不解于低肩誓矢身任國家急砥柱益堅  
于折股敢以賊遺君父憂伏自島奴犯順以來及從  
朝鮮被兵之後東藩板蕩已延七年中國援征實更  
三策不念輔車之有缺但思行李之可通狡酋逞衡  
命之兇張旃空返天使甘要盟之辱借寇脊來睿謨

決主戰之一籌成議詳用兵之兩字及六師之已集  
乃四路以夾攻不以勝敗乃兵家之常惟知和款爲  
前事之的推轂者幾千賢而乍佞持諫者幾千必  
信而必爭所幸廟筭之不移遂致軍機之中窺百年  
盤據烏蕩于焚巢千里憑陵魚糜于游釜掃穴之功  
旣奏盈庭之議不搖我公執訊以獻俘天子論功而  
行賞方重黃圖股肱之托爰崇青宮保傅之班九命  
而錫袞衣光生圭璧百代而列棨戟慶衍山河某附  
驥下乘續貂賤品不意同心之拔飾竟成異域以馳  
驅得充國之老成遂收河湟之績有徐勣之英武卒

成橫海之功自慚小隊之不前已幸許籌之克捷剪  
豺狼而騰虎豹奚取堅儒之一斑焚鱗介而走蛟龍  
益謝龜鼠之五技際茲優寵擢乃抃私山澤可羞籠  
篚不腆遙聞勒鼎無由窺石室之藏急欲磨崖已妄  
作涪溪之頌瞻言麻烈惠矣詞章

賀邵大中丞平賊啓

明義應章

恭行天討廓清千里之妖氛捷奏承明仰釋九重之  
宵旰歡騰吳楚慶洽臣民恭惟某官望震華夷資兼  
文武六強龍豹富兵甲于胸中八陣風雲運經綸于  
掌上折衝樽俎居然楚國之長城綏帶輕裘允矣南

邦之良翰頃者無知鼠輩敢肆梟張巖谷憑陵妄效  
負隅之虎潢池竊弄真同游釜之魚惟秉鉞東征既  
先聲而奪氣遂投戈南遁咸落魄以消魂如霆如雷  
不啻摧枯拉朽獻酋獻馘何殊破竹焚林露布達楓  
宸會見天顏有喜凱歌騰楚澤懸知黔首咸熙誠方  
叔之威荆蠻于今為烈抑召公之平江漢視昔有光  
者也某謹切同袍憂分共室觀竒勲之赫耀莫罄掄  
揚戴明德之忻懽徒深踴躍謹裁蕪啓聊效芹誠伏  
願績懋安攘功成位育圖形麟閣作廟考而錫瓚錫  
圭職掌鳳池晉台階而為霖為雨

代賀兩廣總督啓

明董應舉

彤弓敵愾已標固圉之勳黃石授符遂掃震隣之寇  
 威加境外吉協師中恭惟某官望傾函夏功濟東南  
 坐鎮則如岳如山百粵全歸衽席運籌則若神若鬼  
 九隆自血鋒鉞何物楚苗敢稽舜羽阻兵怙亂豈惟  
 荆賁之憂越志橫行實爲方虎之耻爰是奉天威而  
 遣將劍及寧皇合諸道而進兵地崇京觀剪其餘孽  
 復我舊疆已見醜類之不遺堪爲死者之一酒譬如  
 逐鹿彼則角而此則犄方斯載虛衆爲馳而公爲發  
 蓋謀同力協雖由三方其事之能而將智兵強實則

一而獨當之績上紓南顧總藉中權其快觀鴻勳  
 加燕喜一人有慶應知畫閣上之雄四國是皇定卜  
 召東山之袞

賀南贛軍門啓

平寇

明支大綸

天啓昌期一清寰宇神資良弼再建鴻勳蠡茲小醜  
 夙倚孤丘玩我天威敢行狴暴使內服有左言之俗  
 致廟堂與南顧之憂乃今折衝于樽俎之間獮豸于  
 旌麾之下風雷迅掃株本一空是宜天休申命于中  
 興抑亦雄畧宣威于蓋世表鯨鯢以樹京觀是維其  
 時卽采芑以任壯猷心之願矣薄言燕喜聊託魚箋



伏冀台涵鑒茲塵悃

賀郭撫臺奏捷啓

平播

明周仲士

天威制赫殺伐用張于夜郎月壘宣猷凱奏倏馳于  
 日轂既班師而執訊宜飲至以策勲恭惟某官學冠  
 儒纓道航聖濟接正脉于東魯適符王新建寄客龍  
 沙提孤旅于南荆正逢郭汾陽再安馬邑揚酋不靖  
 牙燾式臨矢誓登壇運籌决策三方授律犯前茅而  
 扼其喉五月渡瀘蹈中權而拊其背懸烏鵲搖邊之  
 印難當堂堂正正之雄師樹黃龍掣海之旗寔萃糾  
 糾桓桓之大勇惟鳴笳疊鼓直進卽深溝高堞何憂  
 千壤借鐵柱以衝營鷄馬兩城並破萬騎排天門而  
 擣穴鳳馳諸塞齊摧七縱七擒山虎關前若楮六月  
 六日海龍門上無烟元酋自經闔門受縛實由神筭  
 寧獨天成其夙辱挺鎔空抱請纓之志濫叨冠冕慚  
 無入幕之才從茲石刻鳳山奠乾坤而安社稷行見  
 手挽河漢放牛馬以洗甲兵取河朔一百餘州南人  
 不復反矣歷中書二十四考東山以公歸乎慶抃莫  
 將編茶罔既

賀江制臺奏捷啓

平播

明周仲士

龍節高懸威望夙隆于薊北麟符新佩旌旗倏秉于

轅門恭惟某官五齋紫薇十圍翠栢公忠許國謨訐  
冲霄漢以上征節槩傳家金石勒燕然而已已資兼  
文武身佩安危邇者揚虜吹烽作痴螳之怒臂柳營  
照月展神豹之奇韜鎮設偏橋勢成犄角恍若裴晉  
公削平淮蔡依然于忠肅彈壓蕪湖駒騎為入楚之  
星熊熊壯擒酋之膽赤莖氣冲南斗懸雲影密西郊  
集四方之材官渠魁赴龍堆而詐欵糾群雄以進討  
幹士破虎穴而盡殲以下刪

賀制臺奏捷啓 平播

明連繼芳

閩外奉綵綸雷霆震赫然一怒軍中有韓范鳥雀誅  
蠢爾三苗師出有名儒真無敵恭惟某官詩書元帥  
文武憲臣麟趾鳳毛翩翩五世公子龍韜豹畧巍巍  
三楚中丞睠彼犬羊之蠻敢為鴛鴦之暴式負地險  
敢抗天威釜沸游魚山來壓郊獫狁匪茹須方叔之  
壯猷皇帝曰嘻命崇文而奉詔一札朝下單車夕馳  
統投石超距之才騰躍鐵歛金之騎叱咤則江山搖  
蕩慷慨則林壑飛揚丘陵堆白骨纏魂沼沚流黃沙  
獠血射鵬賈勇雖多李廣無雙指獸收功誰出蕭何  
第一用底碧幢之績過觀赤鳥之華某瞻彼烏旄徒

有執干戈之志智窮鼂技願賡洗兵甲之詩韜井鉞  
偃參旗壘消煙而捲霧調箕風順畢雨公宜旱而作  
霖

賀戴制臺奏捷啓

平苗

明連繼芳

蠢寇跋郊圻之危搖動西荆龍韜運帷幄之籌思鮮  
南國有嚴共武薄伐奏功恭惟某官憲垂文武武當  
萬里長城身係安危允塞四郊多壘帝念楚中諸峒  
為赤子潢池之鄉公實斗南一星多老人黃石之畧  
王綸推轂將幕與師滅迹掃塵悅商風之捲秋擇澄  
氛廓禳回夏日以濟春冰元濟立穢蔡城鷲鳴雪夜  
符堅頃沈淝水鶴唳風聲焚老上之龍庭躡骨損之  
烏穴草長關山烟銷烽燧某傾耳鐘鼓之設司馬作  
天子嘉賓注目圭瓚之 召虎拜至尊純祉

賀軍門平賊啓

明于仕廉

恭惟某官昂宿垂芒長庚朗焰瓊樹與瑤林交映擬  
列風塵文章并法律並傳兼總條貫直溫粹德文武  
宏才操斧鉞以殲戢綠林快覩旱中之時雨解網羅  
而撫安赤子欣逢雪後之陽春范老子之甲兵公居  
其選乎杜尚書之武庫誰出其右也惟茲節屆嘉平  
謁爾全消積凍景回明媚熙然盡廓微氛東山之征

寇完歸奚庸曠日南國之服農就緒適在開年某係  
屬末員憑依元老聽捷音而役札記聊贊鴻庥喧俚  
語以代銑歌少資燕喜伏願天河獨挽洗四陲之寂  
寂金戈更祈台鼎蚤登調六幕之煌煌玉燭

賀蕭督府啓

擒史

明王家屏

昔先零誅而罕开震動邠支滅則呼韓入朝豈獨伸  
討逆之威固且樹懷遠之烈封疆盛事今古美談惟  
茲史車二首耕牧近塞向種歸附之衆忽為侵叛之  
臣釁驟發于蕭牆禍漸延于堂奧幸憑節鉞之重獨  
抒帷幄之籌追奔不假于師徒問罪直窮其黨與伏

中行說而答其背執酒郭王而拔其營蠶自是以元  
僵兔三窟而亦獲腥膻一氣詎無巢傾卵殞之悲骨  
肉相殘其如上崩瓦解之勢纍囚並繫耻總雪于除  
兇一鏃罔遺功豈誇于度幕庸書入奏獻廟社以居  
歆慶典渙頒賁敷庭而有耀精鏐彩幣珍分御府之  
儲玉佩金貂寵晉台階之秩懋官懋賞信恩禮之非  
常允武允文本謀猷之克壯折衝是賴錫命惟正愧  
我謬悠向竊聞于始議乃今淪落竟無補于成功乍  
聞吉語之傳但覺喜心之感未能修賀猥辱逮存蒙  
復字之褒榮已逾于華袞羨一朝之饗美奚替于彤

弓肅使謝陳菲儀將獻數言莫既祝頌良殷

賀中丞王公平定逆藩啓 明費 宏

茲者恭審糾集義師削平大難嶄幪所托慶慰尤深  
竊以漢得周亞夫遂平吳楚之亂唐用裴中立乃成  
淮蔡之勲蓋遭變知權斯不昧被髮纓冠之義當幾  
能斷乃不失乘墉射隼之時惟此逆藩久蓄異志望  
迷四海乃知蛙井之為尊夢統九天詎意虎關之難  
叩險如鬼域暴甚豺狼窩賊兵以劫齊民或舉室盡  
遭其屠戮散舶貨以漁厚利至傾家未厭於誅大視  
人命如草菅漸干侵平國柄當此承平之世忽興及

叛之謀戕害大臣脅拘方面傳偽榜以動搖宗室肆  
醜詆以訕侮 朝廷皆臣子所不忍言寔神人所同  
憤怒揚帆東下欲首犯於留都返旆西歸尚思據乎  
舊穴惡難悉數罪不容誅若非國有忠賢力扶社稷  
飛羽檄以申明逆順揚義旗以倡率英豪則虐焰方  
張誰撲燎原之火狂瀾既倒誰為制水之防惟人心  
有所恃而不震不驚斯賊計無所施而浸微浸滅士  
鼓登城之勇首克逆巢人懷敵愾之誠爭擒元惡煙  
銷戰艦江湖無噴激之波鳥避輟門霜露積嚴疑之  
氣行且陳俘執訊奏凱班師國法正而逆類潛消天

步安而太平永享歡騰列郡荷救焚拯溺之仁喜溢  
四方免居送行賁之苦聿弭非常之變實為不朽之  
功此蓋某官具文武之全才講聖賢之正學忠孝誓  
捐於遠近精誠遂格於神明是以動惟厥時戰則必  
克掃除氛祲難韜繼照之光整頓乾坤永奠尊之  
位芳垂汗竹績紀太常信奇偉而無前豈尋常之敢  
望其身居農畝未忘廊廟之憂家在亂邦恒懼牀膚  
之剝頃見兵戈之起已為遷避之圖幸遂底寧敢忘  
大惠烹魚漑釜每懷願助之私賣劍持醪莫致趨迎  
之喜敬馳尺楮少布寸忱

賀各鎮加恩

賀黃邊鎮加恩啓 賜帶

宋李 劉

分閫疇庸錫肇疏寵三品百鍊焜煌內府之頒萬釘  
九環褒表中權之勁不勤使請彌覺道存恭惟某官  
追琢其相柔惠以直言忠信行篤敬學素得於書紳  
極高明道中庸強何虞於椎革上嘉羊枯輕裘之緩  
欲厲田單仗鍾之橫肆分紫磨之真昭示黃河之信  
為兵餽之何不受從革作辛匪伊垂之則有餘在師  
中吉向來衆口之鑠曾不累月而銷賜爾通天略吐  
胸中之十萬用汝作礪便看腰下之兩重某登聽夫

揚阻陪旅賀寬營平先零之漕儻免裹屍賜贊皇於  
闡之珍尚祈拭目

啓  
輿田單外軫之懃對公崇報之真誠示黃氏之計  
澗高四節中肅與向輿於琳華上壽羊於彈琴之舞  
庶海其時亦慕以直言忠計行蕭赫學素對公書縣  
式裝深委中對之徑不備對蕭爾學費并恭對某官  
公間謝肅驗鑿而三品百軫凱凱內和之賦萬倫  
大興賢黃感驗以恩啓  
宋李  
啓

賀徐中丞啓

加秩賜資

明林 慊

戎疆底定帝用寵嘉捷書方報于楓宸綸命遙宣于  
蠶國元老之威猷允壯上公之祿秩有加劍履不趨  
邁鄴侯功宗第一圭卣特錫同召虎稽首萬年固昭  
代之鴻圖陋漢家之麟閣乃恩賚不遺於部曲而餼  
給爰及于下僚亘古殊勲于今盛典其邁茲勝事猥  
在戎行愧無逐兔之勞叨廁屠羊之賞極慚惶于內  
省惟歡抃于躬逢顧惟守在疆場未獲申賀台階祇  
勒短狀用布下忱

賀楊督府加恩啓

閱最封四代明王家屏  
兼值生辰

明王家屏

閱閱功高三錫渙絲綸之命巖廊望重千秋綿鼎鶴  
之禧震肅開祥泰道交孚于上下師貞協吉豫鳴偏  
浹于華夷恭惟某官崧嶽儲神星潢毓粹應名世之  
期而間出蘊天民之道以先知鑒衡夙擅于人倫綱  
紀凜持乎風采力襄西夏之難闢草昧以經綸總領  
全晉之疆亘窮荒而控制聲威赫濯名王益戢于羈  
縻猷績炳烺信史不勝其紀述予曰有禦侮可戰而  
亦可和帝褒其積勞懋官而因懋賞彤弓覺報嘉辰  
適協瑞于懸弧紫綽貶封令甲兆䟽榮于改玉恩霑  
四代徵善慶之豐培光耀十連託寵靈之遐邇冊順

節府賞階增賁于芝函宴敞春臺相觴襲芬于頤酌  
其欣逢盛會喜倍倍情牽幽土之羔羊莫克稱饒而  
介壽慕淮南之鷄犬無由舐鬪以從仙聊陳溪澗之  
毛用祝岡陵之祉所願天心純祐台履崇願玄圃大  
椿綏萬六千年之景福明堂隆棟歷二十四考于中  
書勒竹帛以垂鴻衍箕裘而翼燕

賀襄督府閱最加恩啓

得封典

明王家屏

薊遼重鎮輦轂近郊仰藉旌麾特專節制綢繆牖戶  
豫周陰雨之防鎖鑰關門頓絕烽烟之警功高屏翰  
名震華夷肆考八事之成首敘萬全之績閱書人奏



慶冊寵頒五服五章命德實繇天眷一言一袞顯親  
宜待哀綸在國典本以酬忠于下情何能與力猥承  
逮藉愧悚殊殷附布賀忱歡欣罔既

賀李撫臺撫雲南夷加恩啓賜金幣

明王良翰

朱鉞一麾氛祲全銷溪洞彤幃三錫風聲遠播華夷  
况屬鑪錘更深衣被恭惟某官生紀韓魏公雲占五  
色威行牂牁郡膽落八蠻罔逞犁庭掃穴之雄遂聆  
孺女蠻童之曲匪直滇南門戶固若金湯抑將荆鄂  
咽喉盤如襟帶龍顏有喜帝賚孔頒裏蹄出御府珍  
藏蜀綺炫天孫組織用昭殊寵豈盡巨勲昔汾陽望  
著在朝倚輕重者二十載彼裴晉功成入相繫安危  
者廿餘年緬想兩公欣逢此日某鉛刀末技襍線微  
才夙傾志于台臺魚箋莫達忽馳神于露布雀躍未  
從聊獻俚詞用申賀臆

賀兩廣軍門加恩啓銜賚金幣 明董應舉

黃石授符風清五管彤弓渙寵露下三天遠規標柱  
之勲近掩斷藤之烈百蠻戢景九闔懷榮恭惟某官  
名振夔龍功臨方虎文經武緯動必憲邦西討東征  
出管歌凱業已靖八山披四嶺搜五指撼八舟交無

徵側之騷離絕智高之釁上紆南顧軍息前茅備見  
元老之壯猷信有戎功之肇敏榮階游晉寵賚攸頒  
秩總內臺早係七兵之雅望班專獨坐仍留兩粵之  
長城蜀錦裏蹄榮分內府魏鍾召貞寵震中朝顧恐  
羅白玉之江山難駐黃閣紫樞之步武在唐則宋廣  
平之登輔相在宋則蔣穎叔之任樞機皆由此起行  
繼舊聞某等職類守株功慙橫草五羊穗石徒欲勒  
少海之碑六傳雲車行見召東山之袞

同鄉賀温掌院加太子太保啟

六年考滿兼立  
儲恩進封四代

明馬朴

憲臺上最真彝銘亞相之功儲邸升華綸綍渙孤卿  
之命羽翼隆而元良倚重耳目貴而朝廷愈尊况出  
特恩郵稱盛事遙動華河之色敢羞沼沚之毛恭惟  
閣下虞岳疇庸商岩帝賚曳尚書之履表惠文之冠  
物望三朝人倫一代掌邦度者六載霜威肅大法小  
廉結主知于九重天語亮資深勳懋再登考最渥拜  
殊恩東宮太保之端僚既躋一品南臺中丞之峻秩  
仍董百官循墻禹讓以鳴謙當宁堯欽而申巽輝煌  
袞鳥三台極臣子之榮焜耀龍章四世晉公孤之貴  
傾朝歆羨獨坐光華某等誼聯維梓情係施松鷓鷯

功高久式如金之度麒麟殿上爭看橫玉之儀

賀李總河加恩啓

進司馬賜  
麟幣蔭子

明劉國縉

威宣節鉞元勳奠宗社之安爵晉公孤世祿食簪纓  
之報忠孚上下慶協華夷恭惟某官匡王定國謀猷  
扶日擎天手段文衡齊梁魯衛縱橫收禮樂三千武  
控巴蜀荆黔談笑運甲兵百萬蠢酋猖獗人驚廟筭  
張皇帷幄從容自定凱歌甲子日中已無全虜帳下  
惟有長纓一鼓而威震雷霆五旬而逆賊授首神劍  
風清千里虎穴親除絲毫露布九重龍顏喜動大典  
勿庸廷議殊恩徑出宸衷遂晉司馬以樞兵平章軍

國旋重宮銜而降蔭宏恤私家袍笏專槐一品披緋  
橫玉子孫奕葉千秋衣紫腰金朱提發天府之藏光  
含日月麟幣出尚方之賜影動星河巍巍閣上麒麟  
青史軼二十八將世世官家貌虎皇圖維億萬千年  
誠古今僅見之恩豈國家常有之數念其銜命依末  
光之照未遂鳧趨驅車逢大拜之榮難禁雀躍特顯  
官而呈賀悃敢備物而效葵私涓涓慚沼沚之毛翼  
翼仰台衡之鑒伏願德業彌浩浩無涯本支益綿綿  
有道神禹雄畧既舟楫以濟川商室和羹更鹽梅以  
調鼎明良永歌喜起天地常見平成

賀撫臺孫公封蔭啓

明徐常吉

西川建節方欣晉秩之榮北闕宣綸更荷重恩之慶  
附前聲以光勲烈祖延世澤而潤被佳兒纔換新銜  
贈蔭遂侔乎三品未周舊閱推分齊湊于一時森森  
墓栢增榮鬱鬱庭槐愈茂事非偶爾理有由然惟保  
釐成殊絕之勲交孚遠邇肆遭際得濶希之典並愜  
幽明誠登仕路而大亨冠宦門以特盛者也某職聯  
共部情繫通家誇異數而喜欲狂賀繁禧而陶斯誅  
誦温公饗廟之制直期為上相以崇報其先吟寇老  
壽筵之章猶願見玄孫以永綏厥後

賀蕭制府加恩啓

明葉夢熊

恭惟文經武緯保釐績著于東畿湛綽温綸褒賚恩  
頒于北闕艷麗出漢宮之錦瑩煌分燕帟之金盛事  
喧傳輿情抃躍况僚友憑依最切色喜奚勝乃冗工  
課率方殷躬趨莫遂敬馳尺牘專展寸忱繒綵粗陳  
豫供一品之服毳氈雜進兼侑百年之觴願茂德與  
日俱躋焯焯乎勒鐘彝而標汗竹佇穹秩自天申錫  
駸駸居鼎鼐以濟鹽梅

賀撫臺孫公加恩啓

明馬朴

節鉞崇勲惟勝萬全之筭絲綸代命庭揚三錫之恩

登庸期黃耳之調濡削布丹心之抃恭惟其官才弘  
文武氣粹直温楊夫子之在關西名昭日月呂尚父  
之興渭上功滿乾坤歷颺清要之階漸陟保釐之任  
金城闔外玉燭畿南綱紀霜嚴將吏咸遵約束經綸  
霧擁兵農悉藉帡幪屯虎豹于三關煙銷塞堠廓鯨  
鯢于萬里氛息海波人歌韓范之在軍功茂召周之  
分陝譽聞螭陛寵錫龍墀升華佇見九遷馭富先增  
一級精鏐三鎰珍頒御府之藏綵幣六純錦出尚方  
之製斯皆異數用答殊勲鍾鼎旂常光重凌煙之上  
縉紳介胄歡馳覆露之中某夙荷鴻恩快聞鳳命羈  
身易水罔伸屬吏之私棕翹首恒山實慶康侯之蕃  
錫喜而忘分詞以宣情一紙空函遙致下風之拜萬  
間大厦長懸北斗之瞻

賀楊總督加恩啓

陞銜俸

明李多見

恭惟閱二年而領三鎮勲勞已徹于升聞班二品而  
綴二銜榮寵方膺于晉錫仍留鎖鑰特總綱維槐棘  
擁臺端具瞻之望增重棠梨垂部內胥慶之情孔殷  
某夙荷鴻恩心歡尤倍遙羈冗役面謁尚稽爰披荒  
狀以將誠用貢菲儀而贊喜伏願國功與軍功並茂  
煌煌標外闡之第一籌世業隨相業彌崇秩秩敘中

書之廿四考

賀軍門加恩啓

賜金幣

明戴新

黃鉞遙澄絕徼捷書增日月之光朱提遠出上方節  
鎮煥雲霞之彩仰膚功之彪炳朝野瞻依誦天語以  
溫文臣隣踴躍恭惟某官清時元老昭代宗工壯氣  
垂虹北靖狼胥而南標銅柱鴻名耀斗東馳日域而  
西迄月支頃分紫陛絲綸不寄青方鎖鑰指麾而回  
天地龍虎威韜訓練以動鬼神貔貅作隊水犀精甲  
何憂叢爾之裔夷海島樓船果獲蠶茲之逋寇向躋  
階而奏凱六宮呼萬歲以稱觴振虎旅以班師百校

就九關而勒石遂膺異數重齊兼金輝輝太素  
掩映隋珠和璧燦燦洪厓淨色輝煌商島周彝曠典  
寔邁于彤弓盛事夔超于竹島某志慙竊鯨才謝請  
纓眺鯨海之恬波擬乘月毫而成頌聞轅門之拜寵  
阻瞻雲宇以颺言敬托素笈蕭披冊悃伏願風生臺  
閣履曳星辰碧幢與絳節雙懸長奠金湯于海國玉  
帶共緋魚游錫永調梅鼎于台垣

賀贛州巡撫加恩啓

助旅東征欽賞金幣明林繼志

奮旅日東萬里功成犄角揚威天外九重賞懋駢蕃  
簪組增輝戈鋌生色恭惟某官名高鎖鑰望重紀綱

黃鉞秉以聲施胸藏貔虎百萬繡裳坐而彈壓帳富  
駭牝三千惟日本之跳梁致天威之討伐庭議許封  
不可十道徵兵興心摧轂有加三軍賈勇拔十得五  
霜戈遙指于海東以百當千露布遂馳乎薊北威振  
扶桑之島凱旋細柳之營箕封入享以春秋濤清鴨  
綠漢使休屯辛戊巳波靜魚紅敘功原本龍韜褒賚  
載榮鳳詔官錦輝煌于什襲帑珍熠燿于兼鏐此殊  
勳震東南而曠儀炯今古也某歡同燕雀趾後鵷鴻  
羨元老不下堂而威加左袵願正人相中國而化翊  
垂旒

代賀雲南撫院加恩啓

欽賞  
金幣

明林繼志

元老臨戎喜功成于六詔中朝表績看爲憲于萬邦  
蒼露布遙馳上紆旰食而霜戈載戢永罷秋防雖以  
不伐之心依稀乎大樹睽茲無前之烈更著于有苗  
美在旂常光分鎗幣職備員秉矛與覩封狼雅歌餘  
戰勝之威時躬燕喜樽俎帶折衝之氣日耳鴻謨固  
知邊徼孤忠許國而心獨赤所以廟廊至計盈庭而  
眼終青載觀晉錫之駢來曷已豫鳴于有慶謹裁素  
啓爰櫛丹衷所願功竟長城致聖主銷兵之福相歸  
中國塞胡兒牧馬之心

賀舒中陽總河啓

加恩  
官保

明林世吉

權衡北斗夙稱八座之崇班羽翼東朝特晉三孤之  
峻秩蓋四海望霑平膏澤故九重用賁乎新綸恩溢  
寰區福貽宗社恭惟某官星緯元精乾坤正氣文章  
命世翺鳳彩以儀廷才畧經天應龍圖而翊運標寰  
區之領袖時眷笏之華嵩銓部持衡夙仰山濤之藻  
鑑司空宅揆益瞻大禹之神謨望重三朝名高百代  
發祥隤祉早叶夢于能龍積慶累仁遂傳芳于鸞鷲  
箕裘克紹垂令聞于千秋作述重光播美談于百代  
惟結知之自昔故春命之方新玉節遙臨方倚平成

乎水上冊書寵錫復資弼亮于巖廊曳履上星辰光  
扶龍袞荷囊依日月長侍螭頭多士彈冠快覩升華  
乎宮保萬邦拭目佇瞻爰立乎阿衡某緯蕭末品起  
草微才沐覆露于南閩尚頌菱裳遺愛披慶雲于東  
閣屢叨推轂鴻恩每慚雀報之未能喜觀鶯遷而起  
抃奈抱關羈役末由躬賀于臺端敬肅狀差官敢用  
玆忱于座右伏祈星炤曷任冰兢

賀温中丞加恩啓

代  
封三

明陳价夫

寵頒宸綽光映法星推聖孝尊崇之恩昇上卿隆重  
之典榮哉烏府赫彼龍章喜溢百祥情孚群望恭惟



某官三輔聲華九卿樞要瑤圖開洛水應五百年昌  
運挺生巨鎮聳堯門與三千仞削成競峻秉衡持憲  
糾謬繩愆屈軼產于庭中神羊蹲于柱下驄乘直道  
雅度古桓征西膽落霜威風裁今温御史恭逢禮制  
誕沐恩波天語褒嘉袍笏蟬聯于三代皇情眷顧威  
名鵲起于兩臺裕平後光乎前帝曰欽哉受天之祐  
左紀言右紀事臣惟謹爾遑恤其私某職愧分曹身  
慙負乘未隨珥筆叨試埋輪稽首颺言敬致蛩鳴之  
頌望塵肅簡徒懷燕賀之私深藉鴻庥仰祈台炤

賀各鎮考滿

賀劉督撫考績啓

明

斗南重鎮嶺表雄藩仰藉旄麾特專節制東西經畧  
周爰百粵之防次第廓清率靖二苗之難瓊海之通  
囚就執巢穴斯空珠池之劇寇蕩平波濤頓息忠勤  
茂著久淹履幕之星霜最績升陞實炳旂常之日月  
聖心嘉與慶典行頒宴錫彤弓會舉一朝之享動標  
銅柱載揚千古之徽

賀中丞張帥考績啓

明

策府書庸炳旂常之日月楓宸注寵渙綸綍于雲霄

燕喜非常龍光有赫恭惟某官中朝魁碩振古人豪  
文經武緯之才嶽峙淵渟之度三千奏牘抗正氣以  
批鱗數萬甲兵運圓機于指掌分藜秘閣參聯金馬  
之班秉鉞專城再整貔貅之旅邦內爲甸服邦外爲  
侯服折衝自樽俎之間帝城多近臣帝鄉多近親障  
壓先輦轂之下江淮目爲天塹寧誇橫海之樓船河  
朔倚若長城詎羨當關之鎖鑰武有七德兼安民和  
衆之猷憲總六條備激濁揚清之體解珮帶爲牛犢  
化已見其銷兵式車轍之螳螂心未忘于對敵憂深  
畜艾拮据更三載之勤慮慮徹桑綢繆周萬年之計

百成月要歲會紀程石以釐然王功國勳民庸勒鼎  
彝而炳若雖不矜不伐禹讓彌誠而懋嘗懋官堯恩  
荐渥是有慶矣侈報宴于彤弓又何予之新章服于  
玄袞史書工誦掩五侯九伯之榮君禮臣忠慶千載  
一時之遇其等材同腐朽教無所施器若斗筭政何  
足筭乍埋乍滑徒矻矻于精神不聳不鳴竟悠悠于  
歲月來歸自鎬習聞吉甫之膚功受命于周幸覩召  
穆之成事吾之師也喜色相告以欣欣國有人焉聲  
靈若增而濯濯有嚴列祭乃莫遂于鳧趨不腆承筐  
清式均于燕賀伏願勳高八柱奉乾極以常尊位極

三台躋泰階于未穆綏宗社同休之祉垂乾坤不朽之名

賀蕭督府考績啓

賜金錦衣

明王家屏

策府奏功楓宸錫命德與官而並懋爵兼賞以隆施  
車服增華箕裘闡奕家邦胥慶將吏交歡恭惟某官  
天挺人豪嶽鍾雄雋輔軒行部威名夙播于宮廬旄  
鉞臨戎因信肆孚于異類不煩鞭撻掃櫓槍于靜鎮  
之中悉發耨耜開甌脫于大荒之表軍實充而內帑  
之金錢倍省邊防飭而列成之壁壘增堅先事綢繆  
計慮直垂之久遠與民休息謳歌無間于幽遐適當

閱塞之期獨擅折衝之烈帝喜架丕績煥發明繪  
孤卿上應台垣之象賞延奕世近聯環衛之司交衛  
兼金綯雲虹而並爛魚緋縮土瞻巖石以彌尊允惟  
優渥之恩式著忠勤之報所為壯封疆之氣槩慰宗  
社之神靈氓隸以之傾心夷酋因而戢志者也某情  
深抃躍跡阻樞趨蕭陳絲縷之儀用賀併懽之庇伏  
願勲猷日暢更二十四考于中書慶澤綿滋傳四世  
五公于後裔臨緘頌禱倍切欣榮

賀梅督府考績啓

封三代

明王家屏

策府奏膚紀星霜于節鉞楓宸褒最揭日月于旂常

望重中司勳高列鎮榮輝所被欣躍維均恭惟某官  
命世人豪殿邦賢哲振臺綱而紂慝夙清京洛之塵  
持朝筭以監師遂定朔方之難迨膺宸眷來總戎行  
兼文武以紆謀酌寬嚴而布令安民和眾里閭無惑  
嘆之聲建威銷萌牖戶豫綢繆之計日成月要歲會  
功名備載于春秋王功國勳民庸績敘允禱于社稷  
卽勞猷之懋著宜恩數之隆頒肆晉台階光麗四星  
之象兼承綸璽寵貶三代之封盧矢彤弓媿周庭之  
異渥歌鐘鏘磬掩晉室之燹章朝野登聞華夷抃仰  
其感深覆露力愧培風當茲太慶之辰莫已私衷之

豫敬裁荒楮用布賀忱冀賜鑒容可勝歡戴

賀蕭嶽峰開府考績啓正旦兼明于慎行

勛書麟閣方膺鳳詔之恩氣轉鴻鈞又布龍庭之朔  
事因時會祿與歲臻恭惟某官鐘鼎元功斗山偉望  
擁麾出鎮威宣右輔之屯秉鉞臨關塵徙左賢之幘  
晉臺奏最著竹帛以流光魏闕酌庸布絲綸而示寵  
褒推貽教榮既遡于璿源慶集象賢賞復延于華泚  
况茲璇儀布象同歡泰內之亨玉帳班春茂迓師中  
之吉邊城絃管久歌一路之福星禁苑芳菲已近九  
霄之卿月某久懷倚玉無地報瓊敢酌椒栢之觴用

介松椿之社

賀都察院堂上考滿啓

明董應舉院代察

恭惟某宮總領臺司主張國是直繩不撓四方具維  
石之瞻衡尺無私獨立砥中朝之柱莊色難犯簡言  
易從上正而下耻邪默持元氣言出而心獨苦力濟  
時艱即聖舜不厭于粥違乃山南屢稱于舉職蓋嘗  
按昔之故凡此總憲之臣厥職用章大恩斯備或圖  
形于臺省用警庶僚或當軸于岩廊坐登端揆昔皆  
如此今豈不然佇看殊異之恩特表忠良之遇某受  
事堂階飲水嶺海日南六轡慎辱臺上之烏天比五  
雲定統寺中之栢恭聞奏績遙祝秉成目送武元衡  
前徽不遠心師范孟博薄力何酬但冀綱紀之下僚  
統循陶鈞之大造

賀大中丞公奏滿啓

明林繼志

恭惟合臺才兼文武望重紀綱栢府奏及瓜峻烈具  
瞻于中外楓宸旌大樹殊恩兼被于後先十三城咸  
與有榮廿四考于今伊始某叨塵末吏久抱巖瞻又  
以攝符載遵石畫凡此青螺白鷺之境悉為放牛歸  
馬之時荷鴻勳之告成有雀躍而鳴已所願高升曳  
履入替垂衣在在悉靜乎柳管世世永登于槐路

與命榮廿四表于令時故某四...  
觀于中...  
賢大中丞公奏謝啓  
湘林錄志

蘇門陶隘六火...  
前外不...  
...

賀被召

賀胡經略被召啓

宋王十朋

祗乘漢驛趨覲堯天八柱攀轅難駐松楸之彥九重  
側席倚輪荷橐之忠旌二十四郡之外庸去十有三  
年而再駕想慕風采流傳恩光水天炎海之蜿蜒仰  
勤夢寐宣室未央之縹緲倚重論恩恭惟某官百年  
故家四世耆德雖至公大義澤淵深以流長然真才  
實能器魁壘而用博福州部以各再儀省曹之至三  
儼逢多事之秋久裕名卿之饒談笑勵士從容實邊  
上方圖寇恂之功公自詭鄭權之牧棠初合蔭棟亦

隣輝徭長蠻君歲謹梯航之貢圉人太僕日傳駟駿  
之來波濤肅靜以無塵雨露便蕃而候對邦之司直  
王曰還歸雖頰濱之位偶先於文忠而翰苑之賢實  
自於元憲席前半夜綸矢大昕睹笏思人喜魏暮之  
有風烈釐圭錫社歌召穆之敏戎公同是似之褒嘉  
占爰立之兆朕其竊懷先契敬順下風有茹葑菲之  
姿早冒節麾之選訖無五技持報萬分既承乏以叨  
升漕之榮復旋踵而被為郎之渥僥逾已甚吹借有  
階欣朝奕奕之韓預赫嚴嚴之尹鷗鵬直上無叢霄  
峻絕之疑燕雀卑棲有大厦併騰之託

賀移鎮

賀蕭中丞移鎮啓

明王世懋

霜臺出鎮式瞻我武之維揚玉節東移共識帝心之  
簡在攀戀徒深於卧轍騰歡已洽於宣麻恭惟其官  
文武兼資才誠兩合蕭相之宗臣漢室奕世重光南  
仲之城彼朔方于今為烈赫連臺畔久無塞上烽烟  
紇于山頭盡是江南景物遂以威名之攝虜適當重  
鎮之須賢若梅錄之識李端公如單于之畏王丞相  
股肱共獎重頒內殿之絲綸心膂是圖深畀北門之  
鎖鑰昔耿况之在上谷子拜通侯魏絳之和諸戎家

庭懸樂試論洪恩於今日足蕪盛美於前人某等叨  
職關中受節鈴下為西人計則有鴻飛信宿之悲為  
國家謀則有麟閣圖形之喜敬循故事遙致微忱

深臺出險左部送江之蘇財王節更

晉蕭中丞蘇懿咨

明王世懋

賀得代

賀得代

賀鄭陽撫臺得代還朝啓附尸明姜夔

干城既壯王臣當拜冕之期馮翼得人舊老踐及瓜  
之代班荆在盼操袂空懷恭惟某官名高淑世望重  
清時旄鉞垂勛江漢席平寧之祐疆場藉庇拊循貽  
安養之休三年報政已成一日還朝得代材官躍馬  
攀留遮境上行旌吏士懸車去住見亭中負弩已識  
壯猷于建節載看振采于司農千里星霜舉目燕山  
在望百年遭遘矢心魏闕無他某誼忝同袍心期共  
貫聊樹蕪啓低徊班馬之聲小具荒儀彷彿椎牛之



稿

啓雋近體卷五十二

類函六十四

東吳俞安期羨長彙編

上饒王嗣經曰常同輯

建武鄧漢遠遊訂定

內臺部五

賀邊鎮中丞壽

賀李邊鎮生辰啓

宋張文饒

始生今日表瑞中秋會辰於角亢之間壽星既見占  
夢以能罷之兆男子呈祥是惟不世之賢蓋亦應時  
而出凡叨屬吏展慶今朝恭惟某官嵩岳儲神珠躔  
毓粹流光天上昔為漢殿之星辰肖象人間將作商

啓雋近體卷五十二

岩之輔弼暫煩共理式重于蕃民遊愛日之中吏畏  
肅霜之下威聲遠暨澄清南海之波誠意旁通露足  
西郊之雨仰茲厚德宜錫遐齡歲俾有千當繼僖公  
之頌福陳嚮五式符箕子之言其僻守遠方阻瞻大  
厦紛紛鶴蓋相同非霧之陰赫赫龍門莫遂披雲之  
便

壽楊督府啓

邊鎮○十一月生辰

明王家屏

天仗臨戎帥屏渙中權之號星弧啓宴台躔曜南極  
之精喜溢十連歡騰四履恭惟某官扶輿間氣河洛  
真儒學夙貫乎天人才兼綜乎文武銓省擅裴王之  
譽樞曹參頗收之壽按六轡而敷歷諸藩剽盤錯于  
解批之頃抗雙旌而撫綏西夏定反側于談笑之間  
忠芳懋著于封疆勲烈允禪于社稷肆總三垂之節  
鉞丕振聲威翕馴五部之羶裘爭問年貌望如司馬  
弭並邊生事之虞誕若甫申鍾維嶽降靈之瑞豪傑  
類五百年而出運式叶于中興春秋以八千歲為期

壽荐登于大耄卷新陽之應候欣初度之逢辰跡阻  
樞趨莫效臺萊之祝情深膺蹈聊陳澗藻之儀願介  
純禧嚮箕疇而歛福亟抃宸眷升鼎席以調元

賀張弘軒制府生日啓

邊鎮○十一月生辰

明于慎行

天北塵清懋建濟川之烈日南氣應欣逢降嶽之辰  
恭惟某官位錫虞圭名高趙壁彤扉青瑣兩朝輸獻  
納之忱画轂朱轡四國徧旬宣之詠陟夔龍于殿上  
履聲高八座之班出頗牧于禁中戟影動三軍之氣  
波澄瀚海方消傳箭之烽律轉台躔正值懸弧之日  
長庚大昴瑞南極之祥光玉印雕弧鑰北門而奏凱  
福歸廟社慶溢邊庭某猥以庸流夙沾末照望廣筵  
之賓從莫遂息趨介大斗以壽祺徒懷燕賀

賀張弘軒制府生日啓

邊鎮○十一月生辰

明于慎行

伏惟某官靈鍾嶽降精感昴生惟茲初度之辰已逮  
一陽之月况功成瀚海方收狼北之勲名而績奏明  
廷正值弧南之瑞應信天人之交助亦時事之相逢  
某也幸列簪裾夙隨劍履視雲臺之大瑄已書迎日  
之儀望海屋之三山莫展祝年之誦

賀張弘軒制府生辰啓 邊鎮○十一月生辰

明于慎行

日臨長至密開三輔之春星次初躔茂啓千齡之算  
正太史書雲之日遇元公夢日之辰柄轉璇璣北斗  
方回於帝座灰飛玉瑄南山共祝於仙臺喜溢油旃  
歡生緹幕某也意深雀抃地阻鳧趨敢伸一綫之忱  
少祝六弧之慶

賀撫臺壽啓 邊鎮○十一月生辰

明

恭惟某官節鎮控邊推轂貽莫安之慶轅門開壽  
域懸弧集曼衍之禧庚算方入于中年月句尚聯乎

亞歲大耄耄期之境咸由五泰而漸泰熙和亨泰之  
暉且繼一陽以迭運踐長未艾錫羨何窮盛事風傳  
軍旅之威容益壯歡聲雷動虜酋之心膽皆寒其一  
第濫陪每愧雌甲辰之不類半生虛度惟欣大戊子  
之相逢身雖縻繫于西陲魂實逸依乎南極捧觴無  
別祝願黑頭登宰輔而增重榜名馳牘有遐思期黃  
髮侍君王以永光編簡

賀梅衡湘制臺壽啓 邊鎮○八月生辰 明萬世德

天上一星有老人之呈瑞人間五福惟君子之集祥  
方三韓安攘之初正萬里仁壽之始慶流雄鎮喜溢

遐陬恭惟某官光嶽氣完靈湖潤結昔也作詩書師  
躬率裴相蔡州討賊之師今乃為社稷臣手握萊公  
北門鎖鑰之重惟其篤生之靡易是以付畀之甚隆  
四十圍溜雨銅柯豈後凋之松柏二千尺參天鐵幹  
真先達之棟梁茲惟揆初序屬秋正萬物之太和已  
合二儀之淑氣獨完公秉其全奚稱商詩吞駟之什  
僕祝其異何禪魯頌純嘏之詞介以多矣徒有耿耿  
誠有負三生之幸一時尋舊壘於門墻敢附獻萬年  
之觴此日賀新恩于帶礪

賀連中丞啓

邊續○六月生辰

明馬朴

壽域天開南極壽公虹流之瑞泰階星朗中臺慶麟紱  
之祥五百年名母者與榮浮節鉞八千歲為春之始  
頌洽簪紳以介長年用裁短啓竊惟列星誕傳作霖  
雨于商家松嶽生申資藩宣于周室蓋間生黃髮之  
老臣共熙泰運必早作黑頭之公輔茂樹豐功自昔  
達尊皆登揆席求今大老無若師臺恭惟某官傑出  
天中仙行地上廿年要路蔚章文武之才萬里長城  
重繫華夷之望方借建牙于上谷卽令落膽于西陲  
豹畧共璧星珠月同高狼煙與井鉞參旗並息帝塵  
容岳佇看槐棘之延登皇攬呼高適際蓬桑之初度

自公開讌薰風裊百和之煙酌彼祝釐永日映九霞  
之色軍民加額歡聲追響于琅璈將吏舞眉喜氣醞  
釀于玉醴年方踰艾元勲已兆于麟圖天保如松遐  
祉遙傳于鳥信允惟帝賚克迓天庥其忝廁龍門叨  
依燕厦十年故吏幸采筐葑非之不遺六載移官感  
成架醪醪之有自茲逢今節無從伸鶴祝之情遙望  
華筵有意獻鶴飛之曲伏願慶延僖頌福歛箕陳繇  
五袞而耄耄而期頤頻見鶴壽之添海自八座而凝  
丞而師保永為齋柱以擎天

賀蕭總督壽啓

明李 鼎代

虎節專征望重北門鎖鑰鶴齡初度光騰南斗星躔  
五百年名世廼興八千歲大年斯永榮分榆社頌起  
麥丘恭惟某官殷圖良弼周鼎碩膚敦郤穀之詩書  
兼吉甫之文武儲精江右人稱節義之區毓秀山東  
居近聖賢之宅雅志旣安乎社稷威稜夙著乎華夷  
雷動星臨五色旌旗閃日風消月冷三更刁斗飛霜  
一旅之師固已殲茲小醜數節之後行將殄彼渠魁  
頃當奏凱之辰正值懸弧之旦亘長城於萬里遠至  
邇安開壽域於八荒日升川至寧止厝紫塞於磐石  
抑且奠黃圖若泰山入典玉樞坐令九邊塵靖晉司

金鉉佇看六合風清某謬承國士之知竊附里仁之  
末仰齧柱檠天之績實藉旃幪際龍光繞寶之期曷  
緣抃舞聊致短啓遙祝長年

賀楊制府壽啓

邊鎮○四  
月生辰

明劉廷芥

仰惟某官標族望于關西有光伯起擅時名于海內  
無忝永年暫膺三鎮之虎符長衛萬年之龍曆茲月  
臨建巳清和天氣方昌乃辰應生申福德星躔並耀  
不造棚不設宴雖謙尊之度自如既臥鼓既息烽豈  
豫樂之情可楚專謀堪掾役直叩軍麾朋酒羔羊代展  
躋堂之祝朝鞋鶴緹爾佇供赴闕之需從今名作黑頭

公將相編中出類過此壽為黃髮老神仙錄上齊班

賀梅制臺壽啓

邊鎮

明萬世德

震一索而得男巳兆六弧之應允三秋而成歲聿徵  
百福之祥天啓昌辰人膺茂祉恭惟某官近捧九霄  
日月遠開萬道風煙一雄將千群之雌六丁護五兵  
之甲序逢白帝功滿碧幢仁人當天地之保和大造  
鍾乾坤之間氣綠綈紅藉身為大將于邊陲石室丹  
臺名在上仙之圖錄洵魯公俾昌俾艾羨廣成無勞  
無搖儼人傑之在斗南瞻歲星之失天上某旃風幪  
雨常依夏屋之安望日扶雲遙隔秋旻之迥篚篚不

腴海岳可羞飲馬揮蛟恍遡三山于漫汗養龜食蛤  
擬麾六合于徜徉

賀王撫臺壽啓

密雲○元  
宵前生辰

明許以忠

風憲北門不顯長城之經畧星明南極先開元夕之  
光華凱歌將岡領之齊颺聖眷與賢聲而交罔寵况  
捐乎筐篚報莫覓乎瓊瑤謹庀一函兼申三祝恭惟  
某官地靈渤海世美瑯琊鐘鼎鑄奇勛作用勝清譚  
之衍堦虎鳴盛治聲名高善頌之褒台星正耀於日  
南督府弘開於薊北旌旗號令雷霆揚玉斧之威樽  
俎笑談山海奠金湯之勳長庚現而闔外騰輝吉甫

生而朝端稱慶其景仰龍光欲申鯉素適荷寵儀  
及值當歲事復端鞭帝里之新牛與恩冷且放公家  
之舊鵠載祝遐齡酒進宜春萬國慶太平元老燈開  
不夜千秋垂炳烺清光伏願大拜維時蚤啓紗籠之  
護殊勲異日允調玉燭之元



卷五十二

賀壽

藉松蘿異日... 不亦十... 之書... 父... 三...

賀總河漕壽

賀總漕壽啓 十二月

明

節擁中都萬里功收舞羽祥開南極千秋壽介懸孤  
六幕騰歡一詞贊喜恭惟臺下生由嶽降夢叶帝求  
昔為漢殿星辰今作商家霖雨拊循乎龍地赤子民  
游愛日之中委蛇乎羔羊素絲吏畏肅霜之下惟茲  
玄冥之司令正屬皇覽之揆初吸沆瀣以凝禧壽添  
海屋吹葭灰而布暖氣轉洪鈞外理國內理身壽域  
亘八荒之表文為經武為緯金城奠萬世之安其覆  
露有年占星惟歲仰台衡于北斗俾熾而昌頌壽愷

卷五十二

九

千南山式歌且舞五百年名世衮烏即傍雲霄八千  
歲為春鐘鼎以當鈇永恭陳澗沚用介岡陵倘麾頓  
于衙官即崢嶸於末吏

賀總河李制府壽啓

明李國祥

戟架烏盈錫彼雙旌中執法笏籠鵠放朋茲三壽大  
司空賀從龜息是詹屬自龍鍾非戲弧南輝彩淮北  
安流星水交祥福勳並頌恭惟某官玉輝恒岳珠媚  
洛波照俗長材屹屹參天一柱邁倫遠器滔滔受海  
百川振翼秋飈蚤快凌霄鵬鷲奮鱗春震連看運海  
鷗鵬遼海築樓威讐軍中老范蜀川開府懷歸夷外

元衡重聞武悼以興歌欲填瓠口再見成巡而亟召  
未就金堤迦開轉運於江南河洩保陵於淮右群策  
群力是屈直陋賈讓三謀一水一粒惟憂大侔劉晏  
獨運天上將出延喜之玉人間先獻開秩之觴靈椿  
別有根知德施大而曼壽仙藥寧無種見福持厚而  
登年同砥柱以俟河清河一曲而壽一紀作舟楫以  
延迦闢迦千流而齒千齡公頌永年民歌永賴某識  
闡水理職忝河官望戲下以受成迦通漕引聽部中  
而感澤河復民安德重生成心勤頌禱乃於榮壽莫  
圖老子以呈詩實為下僚欲祀真公而作記爰藉野

啓集卷之四 卷五十一  
獻用祝天申

賀總河劉撫臺壽啓

明王德乾

濟瀆奠安流玄扈昭祥海嶠岱華開壽域青禽映瑞  
雲車三朋延曼愆之禧七鎮萃岡陵之祝詠山不老  
歌日斯長恭惟某官太乙星精中條間氣神陶妙象  
架藏龜息之經體散玄風圓滿鳳銜之籙星臨雷動  
絳節啓而淮甸氛清鶴駕鸞駟赤馭翔而蓬萊沙淺  
河清兆聖五百年之名世斯興嶽降生申八千歲之  
真人乃出壽吾君以壽吾國駐顏之仙藥無根生萬  
物而生萬民閱世之靈椿有種惟其象帝先而不毀

因而納品物爲大年玉顏照見蓮花欣覩西方來沸  
華容通明黛色喜逢南極仙人龍湖之寶島雲封瑞  
圃之朱桃霞綺慶瞻聳鶴喜集來鳥白叙

賀陳總漕壽啓

明謝肇淛

金風啓爽騰紫氣於人間玉魄澄空散瑤光於天表  
政斗極建申之候適崧高生甫之辰恭惟某官威德  
日新禧麻待至百川旣導控淮海以朝宗庶績成熙  
會箕疇而歛福惟茲懸弧之夕益增建纛之歡某備  
屬末員竊波餘潤媿繫匏河上莫申蓮幕之忱而採  
藻澗中遙效華封之獻五百年有名世家家席河清

海晏之休八千歲為春秋年年祝地久天長之算仰  
祈燭照無任屏營

賀總河舒大司空壽啓

明林世吉

日麗北辰方喜新綸之荐錫星輝南極復欣純嘏之  
駢臻敬瞻槐府以狂忱敢效華封而致祝恭惟某官  
先朝舊德命世真儒丹穴炳靈發三千年之間氣蒼  
梧誕瑞應五百載之昌期文章擅經國之華統紹孔  
孟道德負覺民之任才冠伊周早翺彩于金闈遂接  
歡於紫極貞心精白皎乎秋月永壺偉望嶙峋蔚爾  
泰山喬嶽揆留皇鑒忠簡帝心晉登八座之崇班海

歷三孤之峻秩懋經綸而熙載光黼黻以宣猷地平  
天成已頌膚功於永賴爰作子述復誇積慶以彌昌  
茲當添線之佳辰恭際懸弧之寶旦黃鍾應節遐齡  
延萬禩以長生玉管飛灰景福隨一陽而並至其學  
慚映雪才謝凌雲御泰龍門謬附通家之誼愛隆烏  
屋屢叨推轂之恩茲瀆鴻鈞薄申燕賀伏願星符絢  
彩穹眷維新壽邁五龍紫閣長調乎鼎鼐祥昭三鱣  
黃扉世掌乎絲綸

賀兩廣軍門壽

賀戴軍門壽旦啓

兩廣○八月生辰

明董應舉

恭惟其官肩宇天人經緯文武申伯之式南邦岳神  
 誕命方叔之皇命服元老壯猷世待沛乎商春生週  
 逢於舜且維茲秋仲是曰昌辰日月會於壽星祥躔  
 南極羲和宿於房位光燭紫垣六氣惟均五精遂會  
 彼帝太昊者司天穆特寶運若神蓐收乎執矩顯佐  
 元樞信惟明良之合德所以先後而同時玉宇澄秋  
 雲霽蓬萊五色銅標考景日移若木再中天佑一人  
 作朋三壽昭明有俶何須勾漏之丹砂社稷爲身定

下瑤池之青鳥薄貢輜儀載申華祝

賀吳小江壽旦啓 兩廣

明孟宗文

光映泰階符千齡之瑞氣祥占周岳現三壽之休徵  
快覩所加欣躍彌篤恭惟其官宇宙完人朝廷良弼  
久蜚聲於烏府著駿烈於黃樞書錦堂開瑞藹卿雲  
秀氣連江春煖慶來疇範元徵茲者雲開繡座時應  
昌期五百年而合運誕茲聖君臣八千歲而為春協於  
元老蓋玄穹為斯民錫福於九垓而相國受皇天純  
禧於萬禩也某武弁朽材韜鈴下吏沐恩世世敢忘  
覆載之仁引領年年願效結銜之報逢茲誕節未遂

霞觴望雲多祝致嵩岳之誠惠日無私乞東山之臥

賀陳大中丞壽啓 兩廣

明林世吉

蕊霄錫羨欣逢降嶽之昌辰栢府蕃釐適際添壽之  
令旦歡騰里閭喜溢簪紳恭惟某官百代宗工三朝  
舊德涵今茹古文章鍾命世之才緯地經天開濟負  
覺民之任早振翰于雲路遂戡豸于霜臺折檻止南  
巡獨抗回天之讜疏建牙資重鎮三承分陝之簡書  
聲華茂揚于巖廊勳勳望蔚蜚于中外群黎霑德澤在  
在歌袞衣繡裳多士式儀刑處處仰泰山北斗方期  
光輔遽乞接閒龍卧滄洲娛弄煙霞嘯傲鷗盟白社

追尋詩酒夷猶望重天朝品高月旦身膺五福具瞻  
蓬島之真仙天縱多能共仰清朝之元老某柳蒲弱  
質鶯燕微軀誼辱通家曾忝龍門為御慶逢攬揆欣  
瞻孤曜騰輝敬修毛穎以雅忱敢效華封而致祝

賀各省巡撫壽

賀張撫臺啓

湖廣○時  
轉遷利邳

明蔡復一

命爽鳩以秋德聿資弼舜之功感日虎於商辰更叶  
誕臯之夢凡歌江漢皆祝岡陵恭惟某官純粹以精  
直方而大鍾玄黃流峙之秀真宰之陶鑄甚勞應國  
運地靈而生元臣之負涵獨厚掖垣駁奏則廊廟為  
之動容文武憲邦則山川賴以舒氣樹人才而培正  
脉九畹滋蘭扶民命而扶露根百嘉登穀當分陝之  
入輔適齊象之揆元公歸自東晨曦祥滿東井土置  
諸左玄月瑞呈左弧表司令之槐袞衣顯面采延齡

之菊丹液駐顏共推祚國之蘇公卽是臨關之老子  
芝函絢畫歌皇覽以增華桃熟爲秋等仙期而詎遠  
况龍虎之榜風雲新集衣冠占龜鶴之符日月彌高  
劍履蓋司命有直荆之曜正應上台而軫宿麗主壽  
之芒並光南極某承乏庾樓參佐欣逢申嶽降神嘗  
討衡嶠之文稽軒轅之譜酌漿北斗則光輔紫宸註  
錄長生則別名壽岳乃若遡堯丙子騎天寶之白驪  
爲漢師臣受神書於黃石人將地合事與時偕固當  
挾真形之圖應文昌之象紀年三立開壽八荒簡滄  
水而刻碑遠追禹蹟礪泰山而庶世益耀張星兼撫  
兵全一無所恨敢述將吏軍民之口少贊旂常獎勳  
之光伏惟鴻翼巨風不羨松喬之呼吸鳳圖盛日永  
垂金石以固存

賀董誼臺中丞壽啓

湖廣○六月生

明蔡復一

朱陵作鎮身巖石以柱天丹穴誕靈人長離而瑞世  
一星麗軫六月陳詩恭惟某官動靜直專德業久大  
方蛟龍入夢董相若用不減伊呂之才追虎豹在山  
召伯重來詎數陸陶之績宇庇忘暑育物和備四時  
牽午無陰範吏樹堪百歲難期者君臣之合魚水罔  
間於中山最喜者父母之年鶴髮並光於南極家國



兩都其盛時地偏遘其奇七緯玉衡下照長生之嶽  
九夏霖雨無噓解愠之風草木昆蟲毋搖養氣山川  
雲物咸樂昌陽益衍春秋鼎盛之期長扶天地泰寧  
之運其燭餘光而引耀草可螢飛籟喜氣以長鳴林  
爭蜩響微香省裏猶記拳繡水之蘭莖栢茂臺端更  
思採花源之桃實伏惟能夏則大如日之升上古椿  
高七十歲老萊猶斑衣之子仙家杏熟八百年彭祖  
為雉羹之臣

賀衛桐陽治臺壽啓

湖廣○六月  
初六日生辰

明蔡復一

其崇遊暑平格占應於周書山川出雲蕃宣迺神於  
崧嶽陽居大夏人舞薰風恭惟某官道契黃中運昌  
玄感流光漢昂曾直七曜之星辰肖象商巖遂興九  
夏之霖雨湛恩波於練水即是西池麗景物於丹霞  
正當南極一衡楚周秦為四履壽域已彌於大千兩  
比上中下曰三階貞符聿叶於重六泰山永奠岡陵  
昌熾作朋襄漢無波瓜李浮沈應序滄水之為禹使  
方治鷄火以奏功錢鏗之作堯臣宜斟雉羹而却老  
某無路贊函關之象有懷瞻斗極之光食奠莫將仙  
雲欲浮蘭浦獻桃可托卿月永照椿年伏惟埒獻聖

於武公九十春秋猶歌抑雅受靈文於玄帝萬千甲子共戲丹臺

賀梁撫臺壽啓

湖廣○九  
月生辰

明蔡復一

玉衡秋轉五雲欲捧於三台黃鶴曉晶南極更朝於北斗域開始壽人祝全昌恭惟某官列緯元精兩儀間氣珪璋命德執允矩以定時律呂生心應乾金而鑄物六條辨吏如察脉之醫王八政養民卽保嬰之衆父方作新於四履已大造於百年乃茲三壽作朋之辰適富萬寶告成之候授衣慮歲挾寒續以俱溫繁圃食農舞豐年之自始蓋赤雀之祥周室正感高

秋而白虎之誕臯陶重占玄月槐表公位仰符虛宿之精菊衍仙齡遠笑南陽之水磨响嶮而紀曆引江漢以浮觴山甫生崧益播四國于蕃之烈壽星在楚宜賡百祿是荷之詩其籠鶴無階獻龜有記昔文武受命膏黍有若召公遡堯舜之臣斟羹時維彭祖敢援前哲以勗膚功伏惟九萬里之鵬圖南風高聞闔八千秋之樹閱古日拂扶桑

賀董誼臺壽啓

湖廣

明蔡復一

恭惟某官兩間元命三立大年遡自監周既昭假而生山甫出而佑國必平格以保召公太和厚濬於慶

源全楚咸開於壽域况流言自止卜聖眷之逾深而  
喜氣遙騰羨家慶之有永誠宜當恢台之候啓攬揆  
之筵箕子所謂歛福以錫民伊川亦云事親則宜樂  
者也其羈身守節無路捧觴沾永賴之仁定知難老  
寫長羸之字寄祝金昌

壽陸開府啓

江西

明張應泰代

瑞應昌辰卿月共中台競朗祥開上鎮福星起南極  
齊輝兕觥四座眉揚熊軾千城輻奏况如下走曷勝  
和采恭惟某官申生自嶽傳賚從天涯湖海之菁華  
誕而玉立漱詩書之芳潤唾卽金聲搏羊角于風遙

攀龍鱗而日近一麾暨借歷試彌奇雅似唐桑是處  
皆同畏壘何如召奭無人不樹其棠帝迺疇咨時方  
藉重霜飛寶鏐龍光俄傍豐城雪映朱幔鯨浪忽恬  
彭蠡笏袍載麗弧矢仍懸客羨長椿歲八千而始閱  
人逢笑口場三萬而初開某幸與隨騶媿羈獻鶴效  
華封之祝實愧丘鳴上老子之圖靡將芹悃伏祈  
司驟陟天寵駢蕃純嘏億千秋以往並疑蘇之日中  
書廿四考從今皆錫祚之年

賀大中丞公壽啓

江西○十一月生

明林繼志

陽長於三茂對懸弧之日福歛其五聿新視履之祥

佳氣際於昌時上壽徵乎元老恭惟某官黃輿清淑  
青瑣忠貞抱出將入相之才具旋乾轉坤之畧立朝  
正色一言堪悟主心分陝建牙萬物視爲吾體煖挾  
三軍之續春融萬姓之膚憶嵩嶽之生申當斗柄之  
建丑黃河以北已銷積雪之嚴寒大江以西行迓條  
風之布暖籌添海屋履聽星辰某學偷桃生報道花  
開花實效獻片老維是春日春盤菜竹歌於期願之  
初彌邵道德赤松游於封拜之後不老神仙

賀撫臺壽啓

四川○十一月生辰

明夏 萬

天啓自辰元老除風雲之會地鍾碩輔名賢當河岳  
之靈三台光耀萬方南極星朝北斗恭惟某官儲精  
蓬島毓秀鼉磯東海晴瀾清九流于心鏡岱宗麗藻  
開四照于辭林始拜夕郎之官封駁有回天之力繼  
晉貳卿之秩清芬標亞海之稱望重華夷才兼將相  
金湯全蜀彌伸不戰之威鎖鑰西陲屢奏無前之績  
擁絳騶而遁豺虎巍然萬里長城揚朱鷺而寒旃裘  
屹若三門砥柱茲當復月載遘誕辰丁一陽初至之  
時正萬福來求之會嵩岳鍾神申甫駕赤蟠而下降  
昂庚孕秀李蕭葉黃鵠以來翔玳瑁筵開玉壘獻九  
衢之草玻璃觴挹岷山吐三秀之芝四表謳歌曲奏

雙飛玄鶴八方鼓舞詩歌五色祥麟丰姿同桃藕爭  
鮮眉宇共松筠等潤喜玉壺之懸日月看金鳥之曳  
星辰作股肱而用替機衡為喉舌而入參帷幄培殷  
家六百年之命脉遐齡遠埒于伊衡冀周鼎三十世  
之洪圖麗禧直符于呂望某等久借末光叨霑餘沫  
幸茲弧懸之日敬展華祝之忱

賀撫臺壽啓

明唐文燦

暢月迎長壽域弘開於外閩極星應瑞輝躔永繞於  
中臺矧當艾壯之年宸昌宸熾更對芸芳之景咸育  
咸滋慶行台垣歡騰闔部恭惟其官儲英衡嶽檀美  
羅城由發解以陟制科雅志既超温飽歷升華而  
節鎮長才非止激揚治漢撫夷獨坐收保釐之績督  
滇控貴周詢協忠益之謨武惟妙於戢兵文實昭於  
附衆終年閑解甲人和斯會乎天和初度敞懸弧福  
澤適裕其德澤時維建子事屬生申茂齡隨日晷以  
俱增曰大耋日期頤秩秩乎引伸有俶繁祉並陽春  
而續布在邊陲在邦域恢恢然數錫無疆某等藩臬  
叨分帡幪素荷瞻華山以擬筭慶賴允倍於群情借  
洱海而獻壽懇祈直躋於千禩雖謙尊之度自若必  
不效茲萊公之造棚顧豫樂之懷交通或未嫌李商

叟之投牘敬披啓狀聊代醪牽選价奉將趨期登徹  
尚願形騶清道赴徵召以入長庶僚旋觀黃閣押班  
參燮調而作朋元老

賀張名川撫臺壽 南贛○十一月生長 明蔡復一

霜淨瘴煙旬緯羅而開壽霞蒸瑞旭籌映竹以迎仙  
降嶽翰周得冬成歲占張星之倍耀應軫宿之長輝  
恭惟某官道妙生心德仁命物豫童挺幹樹百歲以  
參霄豐城淬鐔光千年而燭斗珠轉夜郎之晝則四  
照搖花瑄迴寒谷之春則六箎叶律冥靈撫楚甸近  
招南極之老人建福酌坤維遙指西池之王母當羅

雉雞乳之候記摩麟集鳳之辰物十二以周天澤斯  
觀蜡歲八千而復旦貞乃啓元雪絳為丹鴻寶新歸  
調燮石函作記龍沙舊識姓名茅濛之戲赤城宜詠  
嘉平之月留侯之受黃石還期海嶠之松乃知張果  
侍中誕從丙子裴公真相雄自甲辰豈直參佐之私  
歡允為仙班之盛事某等八荒圍域五福稽疇空有  
凡砂隔爐邊之鷄犬慚無妙語頌天上之夔龍看二  
曜常會玄枵十五雲時浮丹竈召公平格配伊尹其  
盤以如新彭祖大年歷陶唐殷商而不老

代賀李撫臺壽啓 南贛○正月十日生辰 明朱多烜

恭惟某官德同枝鹿世秀同五岳之中高位列太微  
垣象應四星之執法望切士民而爭一顧才兼文武  
以歷諸曹寵膺鳳闕周咨獻替之公崇陟烏臺特重  
保釐之寄提閩挈楚避道而清撫粵鎮虔聞風而肅  
輕裘緩帶咲談宣四省之威表正繩回恭默洽一時  
之化五材官咸服其器使四部民共沐于居安乃者  
鯨鯢攘禍于東洋虎豹肆殃于西土選將出師實藉  
廟廊勝筭轉漕給餉全資帷幄訐謏悅聖顏威寒  
賊膽掃穴犁庭喜奏凱旋之捷執俘獲馘恭修飲至  
之儀行賞遍及于戰攻論功先歸于發縱重瞻沕穆

休風再覩太平盛際鴻業億萬年史須實錄龍沙五  
百載識不虛傳茲當三陽開泰之期適值六甲初周  
之度正為歲首萬福自此方新十乃數全百歲于今  
預兆極星垂芒于碧漢婉妗引佩于瑤池聖明濡澤  
躬割牲奏俎之勤僚采承風輸獻幣執漿之敬四國  
咸祝罄宜九夷盡歌戩戩展也清朝之名世卓哉盛  
代之達尊其幸逢勝會未效微忱羈踪榻里素懷北  
斗之瞻稽首金臺恭致南山之祝附伊衡翼佈此  
賀梁中丞壽啓

賀梁中丞壽啓

明喻世卿

化應長春道隆夷泰風雲望洽弧矢光遙桃熟三千

應崑姿之彌劬運隆五百徵天眷之重申恭惟某官  
含元履貞宣靈握秀馳聲駿烈懋業高華九服登其  
熙臺百年躋於壽域乃茲降神嵩嶽孕粹天星哲人  
肇初度之祥仙籍益長生之算喧喧簫鼓雅雜雲璈  
嗒嗒芳馨珍參石髓指罔陵而為祝比松柏以同堅  
某雅荷眷知躬逢盛事銜恩六察幸參烏府之班行  
將命兩河奚取豸冠之揚厲顧崇闕之既遠思執爨  
之無由然澗芷可羞行潦稱潔謬儀馳賀薄具為將  
望霄駕於旌旄擁羨門而歌廣樂遡芝眉於尊俎招  
金母以問蓬萊

賀沈軍門壽啓

明龔道立

開府紱麟翹紫氣祥臨海嶠轅門增鳳錄青形瑞貫  
雲車仙老添籌工僚喜躍恭惟某官天為唐虞誕臯  
夔之良弼地鍾吳越握經綸之秘文金鑿早直宸墀  
銅海分符溫省羽音司令時維陽月之交朔始更端  
恭際生申之會函蒙祉福已占於平格天隆錫羨元  
符難罄乎揄揚風動蓋玄穹既有心於聖世而年所  
自難老乎元臣某函谷鬚眉愧寡次公圖回金籠雲  
羽緬懷鞏氏陰功羈職守於封疆惟遙稽乎山斗願  
熙事與熙績而嘉生期天爵同天壽以並茂



自撰法乎示其凶谷澤音則莫久公國國金齋雲  
拜撰審平餘樹風傾蓋之等到首以效聖母而爭祀  
恭烈主申之會函蒙此爵日古效平替天劉顯美示  
離我今辨盛首降音同令却辦期日之交陳故更微  
變之良神此驗吳斌對語論之妹文金鑿早直冥舉  
雲車山步悉善工尙喜觀恭對其官天為書與瑞阜  
開亦茲翻曉之原新詞或制轉門曾鳳慈青沃謝貴  
賢武軍門壽容  
明齋立

賀迎太夫人

賀董撫臺迎太夫人啓

明蔡復一

鸞戴王母之勝方問消息於池桃鳥集賀子之冠更  
依晨昏于臺栢瞻雲半寫酌斗同歡恭惟某官樹人  
軌之崇功都天倫之至樂道兼忠孝庭闈與北極並  
懷福備慈嚴帖吧將南山比峻惟杖鳩嬰絲攬勝事  
於仙鄉乃珈翟輝煌就安迎于子舍金萱凌雪樹背  
相鮮青鳥披霞扈旗戾止星占壽于兩地日迓永于  
三春竹筍抽暄佐和門采蘭之食江魚湧瑞陋官物  
卻鮮之嫌民動仁風吏師教本昔蒲輿之奉僅止聞

居萊綵之愉未聞宮錦惟曾頌熾臧千歲之有壽母  
杜詩起居八座之太夫人庶乎盛談可爲今頌其破  
臘後郎國徒望佳氣於鵠磯逼歲返洛陽始傳喜音  
於鵠信私沾錫類遙祝全昌如東方朔游鴻濛見伐  
毛洗灑之偕老如魏華存在南嶽與荆山楚水以長  
新當元臣鴻渚歸袞之期卽二人鶴髮造朝之日

賀王撫臺迎養啓

明唐文燦

恭惟某官鵠傳佳信喜移杖履於椿庭烏感瑞徵爭  
傍晨昏於栢府頓紆瞻雲之目深副愛日之心東帶  
省親闈柳氏之芳規復覩浣裙依子舍百家之篤行

彌彰匪惟春滿一堂藹藹然天倫聚樂猶且化成三  
輔洋洋乎民德歸仁某居隔山城屬連疆境仰仙翁  
之在侍翁卽吾翁聞父老之交談老及人老適時嚴  
察計祇思過而閉門兼事急課程難撥忙而離次姑  
馳疋騎待獻雜蔬雖養生備丹藥之奇本無須於俗  
物顧調膳崇白華之潔或有取於野芹乞命司庖靡  
留度閣若蒙蔭荷全乎舊秩當候謁以輸小豎子之  
誠俟訖工欣際平壽筵擬掄揚而贊卿大夫之孝

賀子登科第附

賀王安撫子登科啓

宋唐庚

伏審令嗣秘書初恩錫及第者潛心几案素高黃絹  
 之辭唱第殿庭果叶青錢之選士流胥慶儒道增光  
 切以間歲搜賢本朝廷之故事一經肄業復神考之  
 新科人材一興仕路四闢非有過庭之教曷充入彀  
 之英恭惟某官俎豆儒風詩書將業投班超之筆意  
 氣一時請南越之纓功名萬里遂推餘澤俯及諸郎  
 得片玉於崑山復青氈之舊物揮毫洒翰實高董賈  
 之才幹疊克家行繼韋平之盛某未遑展慶先辱飛

文感愧之殊敷宜罔既

賀楊徽猷子登第啓

中云玉帳談兵是必開府

宋

盧谿

伏審令嗣學士校藝蘭闈登名桂籍士夫傳播闕里  
交歡恭惟其官教子惟以義方積善必有餘慶材無  
文武謀賚鈞衡昔隱漁樵能通天下之務旋陞館閣  
復運幄中之籌詞鋒當一座之鼓旗名譽振四川之  
草木金門賜第首蒙先帝之知玉帳談兵獨出諸公  
之右是知善治獄者門閭可大能活人者子孫必封  
定國果侯信于公之陰德於陵有子表楊氏之慶門

豈惟荆楚之材多竒固知川嶽之寶不匱可並東京  
之名族何慚南郡之先賢龍虎同登盡天下英雄之  
異選風雲千載當國家宗社之中興廊廟棟闡家聲  
益振其恨居謫籍阻造台庭徒懷賀良以馳誠莫獲  
鳴靴而下拜

賀趙撫臺子登第啓

明于慎行

恭惟其官斗山碩望柱石崇勛總領西臺會風雲而  
扈聖保釐東夏奠海岳以歸仁忠簡在于帝心德靈  
永孚其貺茲金莒澳寵廻斗柄于薇垣更玉樹傳芳  
發秋香于桂苑仙臺八座已看大家宰之班聯春殿

五雲行見新郎君之步武勳高麟回方且弘稷契之  
謨慶衍龍圖豈止紹韋平之業某自慚菲陋謬荷陶  
甄喜大夏之旃幪徒深燕賀望衮衣之信宿莫遂鳧  
趨敢肅蕪穢聊申下悃

賀萬都憲廕子啓

明費 采

恭惟某官熊羆協夢方開湯餅之筵獬豸冠戎式正  
紀綱之任事逢時會泰與人符巧當最奏之期得荷  
賞延之典先生如達競詠葩詩有隕自天允偕筮易  
羌命名之三月倏拜廕於九重未離襁褓之恩先被  
奇逢之寵雖父書祖硯尚期與俊造爭雄而君德臣

賀生子

賀梅督府生子啓

八月初生

明王家屏

允秋應序九苞呈鸞鷟之毛震夙開祥一索協熊羆  
之兆香凝祭戟慶衍弓裘家祚與國運偕昌天道及  
人情並鬯恭惟某官中正大人之度愷悌君子之心  
持憲若持衡不簡輕而簡重保民如保赤每周詢而  
周謀元氣滋培陰德久格乎于蒼昊休徵荐至長祥  
宜濬發於宗枋時維七八月之交耀長庚而現采人  
合億萬輩之祝感恒嶽以降靈芝有根醴有源本出  
遥遥之胄冰爲神玉爲骨况鍾勃勃之姿傳鴈信于

衡湘懸想重圍喜色播麟書于雲朔騰聞四履歡聲  
豁老眼以乍明振衰軀而欲舞瑤林瓊樹欣聯奕世  
之緣玉果犀錢愧薦浴兒之會聊展陳于絲縷充翫  
弄于圭璋從茲孫子以繩繩佇見公侯之袞袞式肇  
頌禱不盡披宣

賀斗中丞舉元子啓

四月三日  
生辰

明

祥開建巳喜報生申多壽多男肇震符之一索元卿  
元子卜弔鉉之相仍深在庇庥倍增欣慰某官大篤  
大道之主盟帝倚宗臣而保障坐臻寧謐行樂昇平  
半壁無虞猶肅汛防於定海東巡未必忽傳呱子于

塗山屆首夏以生明齊純陽而啓誕在六奇卦氣宜  
呈弄璋之禎况八順干支妙協璣聯之貴石麟摩頂  
秋水為神霧豹含文清冰出壑仁哉昌後孟也難兄  
未數名穆承名康當如伊尹得伊陟蓋聞島中仙果  
無嫌結子之遲海底靈珠翻欲舒光之晚此天地神  
明之默相亦君王黎庶所交歡敢因嶽戴之私敬頌  
池毛之瑞

此手之端

地之想亦甚王察無以交懽却因藉以之年終取  
無無辭于之數每因靈米儲裕治世之知此天此  
朱嫂台野承台真當收用共新用制蓋開品中山果  
妹水為所靈深合文前亦出望二共昌益益少獲只  
星弄軼之節與八即于支收海舞之貴不難事節  
率山甫首其以主用齊歸則而哲瑞其六皆佳歷宜

啓雋近體卷五十三

類函六十五

東吳俞安期羨長彙編

上饒王嗣經曰常同輯

建武鄧 羨遠遊訂定

內臺部 七

賀元旦 回答附

賀建康吳開府啓 元旦

宋李廷忠

漢京上日萬玉來庭建鄴遺風百華照曉夙重保釐  
之寄慶逢亨泰之辰恭惟某官地望穹隆天才卓越  
壯金湯於行闕峻圭衮於中階茂對三陽具緩五福  
以賢舅執管鑰於外足寬西顧之憂方春王受圖籍

之初宜下東歸之詔促登上宰永鎮中區

賀建康趙都臺啓

元旦

宋李廷忠

春回嶰竹物當蒞達之辰門設楚桃人用磔禳之令  
喜乾坤之開泰等川阜以儲休恭惟某官蓋世威名  
濟時方略執戈而衛社稷益增虎踞之雄練兵而動  
鬼神盡出龍韜之秘轉東風於細柳祝遐福於大椿  
佇銘燕石之勳入護周廬之禁

賀趙安撫啓

元旦

宋李廷忠

曆草先春祥開端月頌花上壽喜洽元朝宜淮海之  
俊人履乾坤之泰道恭惟某官清姿照寶玉之國異

氣躔牛斗之墟德懿而全才豐於用鷄翹豹尾價高  
次對之班虎節麟符式重休釐之寄江濤息警邊堠  
沈烽喜臨物棣之辰泉對日升之福賢長城於萬里  
具宣制闔之威開壽域於八荒行覩轉鈞之手某叨  
縻邊傳遙睇階符

賀黃安撫啓

元旦

宋李 劉

天地泰交乘少陽而出震雷震振旅利長子之帥師  
外健蓋內順之亨後勁亦中權之助恭惟某官氣排  
冬凜德媿春融偕召伯以來旬瓚流秬鬯共阿咸而  
守歲盤頌椒花人知江夏之無雙我羨西平之有子



卷五十三  
其潛居冰下身在雪邊聲聞于天請以勉在陰之鶴  
稼豐于野庶或寬我輦之牛

賀楚州崔安撫啓

元旦

宋人

七政旋宮啓合璧連珠之瑞三陽簇律動長榆細柳  
之春是謂亨辰可無善頌恭惟某官濟時方略蓋世  
威名殫心膂之忠秉天戈而衛上重藩垣之寄授將  
鉞以臨邊屬勾芒之令肇新宜戩穀之休駢萃佇䟽  
恩於綽詔孚視秩於衮台某原隰載馳門墻在望雖  
阻奉慶觴之禮其敢廢賀禮之儀

賀劉司馬新掌院啓

元正

明唐鶴徵

日麗新蕙玉律肇三微之始雲輝霽藻丹臺推八座  
之榮恭惟某官廊廟鼎鉉寓寰斗山家有周公之履  
鳥廷有山甫之彝常瑞日慶雲緝爲純嘏椒花梅萼  
助此清芬冰鑑無心三載瑞鳥之象陽春有脚八埏  
威鳳之祥正值孟陬履吉之時况復重巽申命之候  
藻旒深眷荷橐新榮環四履以歌聲顧百靈而動色  
塵銷粵嶠帝曰無復朕憂憲秉陪京僉曰無如公可  
某分符瀕海侍穹座之帡幪瞻拜轅門忽羲舒之改  
換觀茲同春之錫羨莫已此日之歡騰頌南山十有

之詩致天保九如之祝望鈞閱而狂賀焚玉蕤以修  
詞寅控忱悰仰祈鑒啓

賀督府元旦啓

總督  
薊遼

明萬世德

紫極回春奉王正于絕域皇圖履泰瞻帝德以敷天  
歡騰貔虎之羣和恬魚龍之窟恭惟某官襟同六合  
氣凌九霄藹藹綏猷草木亦沾其膏潤恢恢遠略蠻  
夷並受其安攘豈知閩外之流光已改寰中之節序  
斗攜龍角意城南思婦之驚時星轉鷄林正遼左征  
人而奏凱尚想元功之疊賞俄傳三印以飛將吹律  
山城喜見風前之甲冑抗旌海國幸銷島外之烽煙

坐使一言望塵九頓觴傾柏葉敢云丕尾赴壑之鱗頌  
詠椒花聊自擬歸山之馬情深削牘敬布承筐

賀李軍門元旦啓

淮撫

明盧純臣

大一統以標年天上賜帝王寶曆望三台而獻頌人  
間卜宰相金甌茂膺長發之祥正屬履端之日恭惟  
某官股肱明聖師保阿衡仰文武之憲邦輦奠烝黎  
於淮楚羨儲胥之開府蔚稱柱石於東南萬方歌安  
攘之勲八座待平章之老歲星逢丑正太族之旋宮  
月建當寅又勾芒之馭令七十二候首迎神禹之疇  
三百六旬初授軒轅之策考履祥而元吉應乾德以

光亨椒頌宜陳葵心更切伏願參贊功深永衍無疆  
之祚裁成道妙益承有羨之庥牙旗扶日月以長明  
法座傍雲霄而並麗則爵高光弼常如億萬之春而  
朝有端卿不啻貞元之合

賀督府元日啓

明徐常吉

恭惟星犯一周制闡之舊勲既積斗杓再轉和門之  
新祉方臻凡聯東甸末疆悉藉上流餘潤其涵濡漸  
久感戀彌深辰牡頗充喜遇嘉平于臘月冬醪初熟  
思迎煥煖于春陽敬勒荒緘專修薄貢舉鄉風而供  
歲事聊隨士庶展微忱飭國與以待時宜尚佇公卿

膺大受

賀大同胡開府啓

元旦并加銜

明馮琦

邊風應律節臨玉瑄之春內渥酬庸寵晉璇樞之位  
膚公益盛純嘏茂膺恭惟某官海岳英風乾坤淑氣  
珠韜金版嚴鎖鑰於雲中玉戚雕弧靖風塵於朔北  
茲值三陽啓泰朝野同春適當兩市成功華夷胥慶  
七校尉分屯而守霜寒小月之戈五單于解辮而朝  
雲集大宛之馬對青規而奏凱鼓籥均歡分紫塞以  
承恩旌旗動色某自違德範屢枉芳華隨春色於長  
安莫展栢椒之獻觀恩華於上袞欣看竹帛之光敬

布荒械聊伸賀悃

賀兩廣制臺元旦啓

明董應舉

歲籥風霜翕發九陽之氣轅門簫鼓先回五嶺之春  
在天運則貞以起元考民風亦聚而宿歲咸曰惟新  
之序因知元宰之功若非柝靜千營兼之蜡成四野  
民士安得鼓暢而享韶華之樂衣冠安得拱手而受  
歲計之成珠海無波總覺春流之潤玉衡有政行宣  
象魏之和敢奏常儀用鳴積豫朱泥金薄遙知紫氣  
之當筵粉荔辛盤且召蒼靈而薦福

賀李中丞元旦啓

淮撫

明王士騏

三朝元會咸瞻五化之宣四始佳辰共慶重明之獻  
綠衣除耗彩雀呈祥恭惟某官用冲不盈觀妙無欲  
虛心實腹醞和象帝之先挫銳解紛布德春王之首  
理艱如批大卻開生徒之十三治衆若烹小鮮除厄  
運之百六蒼精效福欣瞻命自天來木正開榮喜見  
膏從地發某弱植如金門之竹歲歲蒙吹孤踪若祗  
支之鸞年年承鑄謹陳蕪牘用表椒心伏願福與日  
臻恩隨陽普主衆父之宗以執大象民用亨嘉御六  
氣之辨以遊無窮物不疵癘

賀都督府元旦啓

三邊

明王士騏

青陽獻歲飛澤潤乎華夷紫塞生春暢氣流於河漢  
遙瞻左鉞共荷前旌恭惟某官仕稷是經文武為憲  
盪陰氛而調律已宣夙夜之勤迎元祉以運鈞正協  
明良之會三朔呈新於闔外八風占吉於師中某等  
分北斗之光匏繫莫承樽俎睹西秦之盛矢歌永戢  
於戈矛丹情約結於龍韜素褚敢伸於燕賀

賀軍門元旦啓

四川

明林 燦

上日逢春日條風始鬯乾元曆啓元甲運重熙雲光  
朝霽乎轅門瑞莢首舒於幕府恭惟某官權侔真宰  
道契貞元領袖人倫高昭代之衡鑑撫綏蠶國吃西

土之金湯騶御甫臨三雪占而三巴闔擇麟符在握  
五官調而五將呈威屈茲茂育昌辰喜薦著蘇嘉祉  
某猥承末馭夙稟宗型久挹雨露之栽培欣同草木  
以披拂遭時自慶竊祿知恩乃守在邊陲頃際四夷  
之砥屬心同鞅譯遙瞻八座之光華祇奉禁例以遂  
巡莫遂趨踰而拜舞伏願經綸宏闡寵眷茂膺劔履  
高曳平星辰袞衣蚤迎於帷幄

賀軍門元旦啓

雲南

明林 燦

寶美晨開淑氣曉占于帷幄麟符朔啓禎和霽萃于  
轅門品彙生輝邊陲效順恭惟某官天人夙德奎宰

交期蚤陟蘭臺名重青蒲白簡歷躋華要勛崇外攘  
內寧暨節鉞遙鎮于昆明迺風猷誕敷乎筇笮值茲  
韶光式轉仰惟景貺茂綏六詔熙豐三巴闔懌其備  
員蜀徼翹首滇雲遵明令而跡阻鳧趨對昌辰而神  
馳燕賀樞承莫遂徒瞻台斗之在南祝頌惟勤何異  
繁星之拱北敬陳芹藻代頌椒花伏望莫定銅標袞  
繡蚤依于日月調和玉律履聲高曳乎星辰

賀開府元旦啓

河嶽

明吳國倫

恭惟某官澤渥三川勲崇四嶽獻績方新于鼎命迎  
年適協乎泰階神燕納新絳騶多福爰紀五雲之瑞  
旋增八座之輝某等竊任下僚叨承休庇偶執巡行  
之役遂愆拜舞之期竊祿知恩捧椒觴而祝頌違顏  
息懼瞻柏府以趨趨伏願譽命薦升皇衷簡在用廣  
經綸之緒允符天地之交

賀陸撫院正旦啓

明徐作

威凜絳騶督百僚而禔福祥凝蒼珮翊萬曆以迎年  
得驛梅遠寄雲頭知臺柏大開春脚恭惟某官蠡湖  
孕采廬嶽標華休有烈光排雪霜而布煖嚴無辟忌  
掃氛祲以覃和慶洽履端功扶泰運春滿東皇陽不  
愆而陰不伏恩深北闕川方至而日方升某愧古清

卿埒今俗品一時共事曾借映於玉山千里垂情取  
託馮乎珍幣朝端依日難接袂以赴賀班天末停雲  
欲投箋而宣慶語告虔之念有待圖稱之私無隳伏  
願瑞叶五雲丕振台衡之業譽隆八座允符地天<sub>之</sub>

賀郭中丞年節啓 湖廣

明馮時可

恭惟某官玄黃毓秀海宇儲精玉樹冰壺儼然人倫  
冠冕天章雲錦蔚為神化丹青精注百城藹如春風  
之風物鑑開三楚儼若大曜之曜天洲聚山居怨咨  
願欲之情必得溪蟠洞結畔接虔劉之黨咸消人人  
盡登春臺在在如遊化國三載緇衣之愛效謳誦於

千秋九重玉几之懷念勤勞乎四履除書近從除夕  
已快執法之高遷新命來自新年且逢當宁之特簡  
雲飛三素擁八翼於青霄枝動萬年觀九玄於紫極  
某夙倚四岳近庇二天未能化鵠來朝竊擬獻椒成  
頌伏願福如韶光之常轉歲奉明君慶似旭日之初  
升時照黎庶

賀王中丞啓 元日

明潘季馴

三元啓旦值歲序之載週萬象熙春邁璣衡之旋柄  
時維陽復人以慶徵恭惟某官玉潤金貞履崇階以  
秉政雲流霞蔚鼓元氣於太和疏膏澤以蘇槁枯宇

宙士民蒙福披冲襟以回造化山川草木增輝胥其  
旋之吉者比類歡騰考視履之祥者同心嚮慕矧其  
叨至仁以吁咈宜躬椒栢之觴願自畫以方隅莫慰  
趨承之願肅攄蕪啓佐以菲儀慙九頓之未能為衷  
徒切顙一力以代賀神與俱馳伏冀俯賜鑒存臨楮  
曷勝榮藉

賀撫院元旦啓 湖廣

明姜士昌

三微成朔條風布暖于寰中四始開辰太陽散輝于  
楚甸遠邇胥慶大小咸熙恭惟其官應二儀之中和  
總九德之純懿操持獨上矯矯如半天朱霞蘊蓄無

涯恢恢若浮空巨海霜臺獻直昔發白獸之樽露冕  
施恩近開金口之鐸精流三楚在在猶練五辛神運  
百神人人疑醜九醞祥雲鈴閣行瞻命自天來化雨  
芳郊喜見膏從地發其夙瞻北斗今倚南枝風雲霄  
漢之扶携企望如歲月旦陽春之賞許覆載猶天伏  
願萬福攸同常為萬邦之憲百順駢集永樹百辟之義

賀撫臺元旦啓 總督

明舒其志

伏惟青帝乘規萬物荷維新之會紫宸頒曆九天開  
始旦之光屬陽德之嘉亨淑氣與韶華並麗乃樞臺  
之清豫和風偕化日生輝太簇瑄開暖律起千林之



喜鴻鈞旋轉卿雲煥五色之祥競彩勝以宜春合椒  
盤而頌壽塞垣草木欣欣向雨露之榮制闔旌旗濯  
濯動龍蛇之色欣逢獻歲恭祝永年斗柄東而天下  
春民用躋於仁壽之域玉燭調而四時順位旋登於  
燮理之司

賀趙撫臺元旦啓

福建

明呂鳴珂

鴻鈞運啓天開首祚之祥烏府春生暖入閩藩之域  
山川生色士庶騰歡恭惟某官道闡關閩才兼文武  
襟羅星斗文誇一代之雄節倚雲霄望重四方之式  
歷膺撫任總制南邦秉鑑衡以定激揚風霜凜冽灑

雨露而潤枯槁草木回春方虎功高弓掛天山之上  
汾淮望重劍澄閩海之波凡茲八郡無虞咸藉一人  
有慶澤已施於葭屋祉自歸於廟廊慶此陽春宜膺  
戩穀某才愧凡庸職叨末屬深慚尸素適移斗柄之  
春徒切台嚴莫獻椒花之頌是用三薰緘牘百拜申  
丹藉鴻鴈以舒忱同燕雀而飛賀伏願龜齡載錫永躋  
萬彙於春臺台鼎旋調咸囿八方於壽域

賀董撫院元旦啓

湖廣

明蔡復一

朱陵仗鉞福鳥帑以全昌青帝執規闢龍精而啓旦  
履端於始長發其祥恭惟某官心會陽宗道扶泰運

霜臺執法鏡萬水以發天光露冕施恩籥四時而歸  
和氣迺於排寒進煖之候適協除舊布新之符四十  
而得一為元上方合黃帝之曆五百而以時則可公  
兼收南楚之春景曜曜天馭晴暉於蒼陸條風風物  
翳盛德於青陽三戶熙若登臺式靈仙木萬家曠然  
飲醕酌惠屠蘇蓋柳眼梅心共依變黍之律而蘋生  
芷發盡入汎蘭之騷正七十二候之初始和旣布歛  
三百六旬之祉元吉其旋其觸緒冰寒戴光斗轉鳴  
春欲動於和籟行夏祗奉於寬條虎可發樽空慚墨  
水鵠難化履托夢風翰伏唯五石補天六符燮鼎此  
日馳神左个倡南方群牧以拜旒他年扈聖北辰班  
正朝三公而奉璧

賀張撫臺元旦啓 湖廣

明蔡復一

周而南曰江漢春先二始之風陝以西有召公膏為  
四國之雨荷回陽於斗轉欣借暖於律吹庇宇方新  
依光猶近恭惟某官練暉日月幹氣貞元鍾百二之  
河山手提乾綱坤軸吞八九之雲夢胸蟠武緯文經  
有謨有猷矢一心入告我后若水若旱代萬姓請命  
于天凡式百辟之訓言凜焉扈芷蘭而離菴菴故屹  
三楚之坐鎮謚乎衡修貢而湘安流大法小廉吏應

右傳類卷五十三  
緹葭之變遠來近說民迎梅柳之熏直柏聳秀於烏  
臺仙冀迓禎於鳳史蓋四十年頒曆聖主方造維新  
之休而八千歲為春名臣實布始和之化郊東鶯囀  
衣麗寧數于遷喬薊北鴻高袞歸即歌於遵渚某履  
藩歲晏聽餞臘之竹聲漂梗江干隔獻春之椒頌望  
青雲多處欲傍魁三看紫氣浮來遙占福五泰階應  
泰為國家以賀良宰之得輿香水懷香遵月令而播  
寬條於比屋

賀兩院元旦啓

湖廣

明蔡復一

攝提貞孟陬荆甸光浮蒼陸始和懸象媿周官手闢

青陽雲鵠自文臺鳥相慶恭惟某官場休煦物元善  
長人乘震執規謹三微以端四始旋乾幹斗調一氣  
而壽八荒府曰好生既盡收於駘蕩木為盛德乃畢  
達於勾萌嘉與湖湘對茲首祚相二儀之闡懌吹律  
無私啓衆正之彙征拔茅有象曉心昏昴布慶惠以  
行時蘋發芷榮紀昭蘇而獻歲蓋餞寒癸丑鞭牛已  
報豐年之祥而迎旭甲寅圖雞適符太歲之日數得  
天而際盛偏祐名臣卿省月以維新聿懷多福銅盤  
服露參壽軫之靈光玉琯調風翊泰階於朗潤宜歸  
扶鸞輅密燮太極之元想直發虎樽更贊東皇之化

其桃符襲苾喜蟲戶之初暄椒頌思裁覺鳥音之猶  
細臨月儀之帖遙想晉人賀雲開之辰聊同楚客伏  
惟攬芳宿莽總轡扶桑秩東作三百六旬共由庚於  
黃道歷中書二十四考未扈聖於紫宸

賀兩院元旦啓

湖廣

明蔡復一

序端王月荆甸嘘一氣之和祥燦卿雲栢臺占三素  
之彩熊封頌滿螭陛恩醲恭惟某官手燮洪鑪躬扶  
大斗袖中五石補天象以旋乾階上六符叙星垣而  
成泰登臺初化日暗光浮江國芷蘋依坐即條風元  
氣收公門桃李既烝南邦而爲憲又纏東陸以啓元

帝冀紀合朔八千三十二年伊始臣葵瞻會朝尺五  
三百六旬重新桃印辟氛總標壯畧椒杯薦暖長灑  
仁波蓋五卯之候朱陵楚方得歲而太乙之司黃道  
公即異人詎止星正九農兆屢豐於青耒佇看詔從  
三殿徵上輔於紫宸某一守窮邊虞鄒生之凍谷四  
更年禽吟柳子之囚山屠蘓階之兒郎翻憐先飲索  
葦地隣苗裔徒愧高懸忽覩換符遙知吹律雖歸落  
鴈後彌鬱陶羈客之心然慶際鷄晨良擊并名臣之  
社伏惟庾開府之尊湛湛澤與歲深戴侍中之席重  
重道隨日長

賀撫臺元旦啓

胡廣

明趙秉忠

泰運履端曾史書雲於五色春陽應律堯典賓日於  
 三朝當烟景融鬯之期正風化熙茂之節恭惟某官  
 龍旂高擁椒蘭承漢殿之華鳳幕宏開桃李壯庠樓  
 之麗絳桃曉醉福臻仙島三山赤羽晴曛恩接帝城  
 雙闕聽采芡於江漢士女懷春而歌太平觀馴雉于  
 郊原老稚忘年而樂順治甚幸沾湛露生意與草木  
 偕知仰奉德風向榮若蕙焚伊始茲當礫雞懸羊之  
 令無任曝芹傾藿之私但畏簡書而未繇樞趨謹肅  
 率曠以代其匍伏自揆狂斐竊賴包荒恭願翊青陽  
 几赤舄引黃道會元之運諧百尹宣八風集六合回  
 春之符

賀撫臺元旦啓

明唐文燦代

臘轉陽春德澤隨威稜迭布年開朔旦勲庸與福祉  
 駢躋祥光擁遶於都臺喜氣交騰乎列闈某憑依獨  
 切慶賴尤殷遵大戒而守官引領徒懸內向展微忱  
 以遣役馳神實逐東征敬呈蕪草之詞聊代椒花之  
 頌和門風暖既薰四境於太和樂國日長吏煦羣生  
 於借樂不惟本黃鍾以調律呂庾中丞之雅望夙彰  
 猶且銷金甲而裕邊籌王相國之英聲瀾振

賀南贛軍門年啓

明支大綸

璿杓改建會心方感于物華玉律更新懷德願綏于  
福履仰羨鴻鈞布物萬宇皆春遙知蟻臘浮香兆民  
同樂綵幡花勝應耀芳辰白玉青絲罔陪綺席敬備  
辛盤之未用仰椒頌之忱玉燭調元共慶泰交五始  
瓊漿介壽竚看晉陟三階率爾申儀巧祈丙照

賀其撫臺啓

元旦

明王德乾

鳳曆踰四九紀化國之日舒以長鴻圖千八百年康  
侯之風仁而壽履端溢慶泰祉颺言恭惟某官德苞  
二氣之和功燁萬邦之憲重譯仰國中之聖海靜揚

波祥刑陟天下之平廷懸執法初開獻日偶屆回春  
歲將日月以皆元六甲最稱奇邁椒與栢松而其  
五辛爭祝長生于時則北極朝正賀明聖嘉平之象  
東郊順令播君王寬大之書示恩何啻于放鳩贊化  
應超乎翦燕念某一分符竹夙荷提携再轄斧柯仍  
叨覆冒倍感壯猷方叔彌瞻新命晉公會條風披虎  
豹之關宜聽禱頌想淑氣上麒麟之閣悵阻樞承代  
馳介使于轅門請鑒寸虔于台府

賀大中丞公元旦啓

明林繼志

日駕鰲輪青帝茂履端之始天開鳳曆紫宸洽泰運

之交值陽德之方亨慶天休之滋至天人協德民吏  
同歡恭惟某官運際昌期道通元化三載仰福星之  
庇九霄高卿月之班坐鈴閣以紆籌布新祥於窮谷  
深山之域啓戟門而飛檄消夙瘴於新桃細柳之天  
萬民郁郁以含醇百部欣欣而鼓舞佇下彤墀之寵  
數聿臻翠節之高華某幸戴二天欣逢元日違顏思  
懼瞻栢府以趨趨竊祿感恩托椒辰而祝頌雖揚眉  
弁雀未必識大造高深而調韻倉庚庶幾鳴春光一

賀劉軍門元旦啓

總河

明

天開紫橐金儀轉轂於三台風繞青旂寶錄徵符於

憲府路愉見春光之密洩臺栢占雲彩之方浮百順  
從心三靈孚祐恭惟某官鎬豐王氣岳瀆元精屹然  
駕海六鰲砥波濤而不動挺若擎天一柱挽風會之  
如狂憲乘兩臺喉舌司而群邪寒膽政成三輔股肱  
任而聖主怡顏入壯皇皇千里之金湯出總汪江兩  
河之通塞馮夷效順千帆轉鷁以如馳匏子興歌萬  
艘遵鴻而若堵功成河洛不聞沈馬與加圭儲積坻  
京豈羨負牛而走木禹之明德遠矣公之厥伐茂焉  
與日俱長如川方至某才同管蒯蔭藉枌榆忽瞻台  
曜天中祇奏雲緘日下伏願霑沙作輔調鼎祚以正

師垣投水陳謨睿旨言而綿帝曆則三百六旬之履  
始正二十四考之權輿祝頌無垠編摩苟既

賀軍門元日啓

總河

明○○○

律應東風布新和三春象魏杓回北斗催莫紀一氣  
鴻鈞霜威與岱嶽爭高露澤將洗汶比潤祥因履考  
亨藉泰通恭惟某官大德川流魏標山立隻手撐半  
半壁胼胝奏功一腔具有全河平成垂憲民云得歲  
福星臨奎婁之墟帝曰宅揆卿月照房心之次維龍  
躔之旋馭適鳳曆之更端華筵之醑及同人尊傾柏  
葉彩筆之書占大有頌擬椒花送寒寧假于土牛坐  
斡木牛之運歸袞即登于金馬行符櫪馬之喧某木  
解漕水幸依屋厦籥周一甲幾見先春之葦桃盤薦  
五辛敢羞明信之蘋藻天地為鑪陰陽為炭願嗟暖  
律于緹灰巨川作楫大旱作霖共調泰階之玉燭

賀潘司空正日啓

總河

明李克家

龍躔耀采玉律占泰階之符鳳曆更華鴻臣鬯和年  
之序藻乾珍於圓景茂祉揚徽藹坤慶於端辰豐麻  
象德含生育美吹萬翔欣恭惟某官靈穎金蓋之精  
葆育瓊雪之闕羽儀華沼流品依以揚聲冠冕清時  
珪組望而踴景卿臺德棘望重金提元鼎助梅揆留



宸輔屬者兩河表譽震璿式以經營八座流功兼合  
儀而保翼霜牙色壯濟瀆衍地脉之維繡祭光廻岱  
律擎天門之柱登方儀於陸海砥澤國於平瀾巫祈  
象罔之狃靈丹書紀伐白馬宣房之順軌綠字剖勳  
聖世宗臣身安危於晉國熙朝國老符壽考於汾陽  
惟今氣轉衡杓寶曆紀嘉平之運灰飛緹管金儀符  
太史之占與物為春蠟飛蠕動之泝洽望公如歲山  
陬谷汲之騰歡豈惟三壽之明宜介百祿之祐某羈  
當下臬禮莫遂於鳧趨毗仰洪休感逾深於雀抃椒  
辰獻雀愧乏青絲白玉之盤栢府回鷄虛傳銀勝金

幡之采伏願道融三略功標五符象斗儀以端揆廻  
乾維而奮炎景叶星辰以幹理旋坤軸而躋太寧

賀舒司空元旦啓 總漕 明趙世顯

海宇春回萬有值重新之會鴻鈞氣轉八風藹從律  
之祥觀漕務之方殷喜河水之欲泮恭惟某官經國  
宏才康時碩輔宣皇威於遙海夙看氛侵全消司國  
計於長淮恒見轉輸不竭仁威並著處置得宜卒伍  
雲從趁東風以移萬斛艤艤霧集趨上國而濟九邊  
際歲序之方新卜寵褰之薦至想轅門星燦徒有神  
馳悵幕府春融末由躬叩謹修尺疏用瀝寸忱



賀舒中陽總河元正啓

明潘季馴

斗轉天樞元氣運綱維之化台聯帝座英芒昭倚毗  
 之光鵷班漸履于端揆鴻譽益隆于詮叙九階興讓  
 庶采承風恭惟某官桂山麟鳳盛世夔龍挾策登朝  
 已屬蒼生之望擁旌開府屢膺華袞之褒惠愛洽於  
 民心歌興召父甄陶乎于士類化仰文翁表率臣工  
 紀法貞于百辟澄清淮海太和溢于兩間齊嶽岱而  
 聲高佇見絲綸之寵登廟堂而望重行膺臺閣之榮  
 茲三陽開泰運之亨適一氣協乾元之正端辰慶會  
 寵錫增申其才愧踈庸仰借天河玉潤心知矜式竊  
 分斗極輝光祗懷葵藿之忱莫獻椒花之頌敬修一  
 羽少布微悰伏望鑒存不勝踴拜

賀陳撫臺元旦啓

福建

明鄭懷玉

制府霜嚴益壯冰臺之色轅門日暖先回海國之春  
 欣動七閩榮施萬里恭惟某官節八風而宣化調四  
 序以授時肅綱紀于玩愒之餘維新吏治霑德澤于  
 菑沴之後宏濟民生虎戟龍旌肇開泰階之運鸞書  
 鳳曆慶踐獻歲之辰際此履端可無作頌某河潤同  
 霑于編戶暄曝未躋乎公堂觀景物之維和敢致梅  
 花之使玩年華而正茂用獻柏葉之樽伏冀鑒存祗

深扞躍

回雲南軍門賀正啓

明田一雋

啓正玉衡值小往大來之候暖回銅柱見乾旋坤轉  
之功遙分春色於天南似襲惠風於座右恭惟某官  
體兼二氣道貫一元有律中之陽和收天下於肺腑  
自昔扈青帝蒼龍之駕至今憶彤庭白獸之樽聲已  
泛於群鷗寒消洱海氣且回於萬象符正泰階蓋斗  
之東而八荒齊開寶待杓轉自滇以南而四時長似  
暫借春留沙汰江河水鑑遙通昆水崢嶸槐棘烟雲  
永護上林僕情切隨陽恩慚負曝附梅花之使首舜

何當於辛盤調藻尉之詞扶桑如移於泰谷何勝冰  
履伏冀春函

回鄖陽毛開府啓

明于慎行

恭惟某官八座崇班兩朝堯德勲績夙孚於帝簡聲  
華久協於輿情茲者光奉因心綸重開幕府控秦荆之  
要塞露潤三藩據江漢之上游霜清萬里出臨節鉞  
甦勞六蠹之儀入踐斗樞且正三能之位步鴈行於  
左掖曾聞曳履之聲望犀節於南雲忽枉函書之問  
敢當厚雅但切欣藏

回上谷蕭開府賀正啓

明于慎行

璇樞轉柄弘開鳳曆之元玉節分施誕布龍荒之朔  
丕膺新福茂對昌辰恭惟某官鍾鼎豐勲珪璋令望  
文經武緯望高西府之符碩畫鴻猷任重北門之鑰  
左賢請吏既已清朔漠之塵右弼虛階行且正魁台  
之座茲者一元肇歲庶品含春回淑氣於青規共迓  
內三之泰布陽和於紫塞均騰吹萬之歡某也契盜  
盍簪情深結綬對花磚之日影方虛六館之灰傳錦  
翰於雲端忽枉雙環之問仰惟渥厚何以堪承敢附  
緜函少伸丹慊

回部制府啓

明于慎行

恭惟某官勒石豐勳銘鐘碩望名高畫閣早成西塞  
之功恩錫彤廷特起東山之臥擁絳節而塵清萬里  
秉彫弧而氛靖三邊金版六茂再觀軍中韓范黃扉  
八座行瞻殿上夔龍某也東國賤儒西清散吏鴈行  
陪躅解聞珠履之聲魚海傳書忽枉瑤函之問儼承  
函命殊坊心蕺敬具報章奉伸謝悃

回吳開府賀正啓

明于慎行

璇儀轉象方回天地之春玉節頒條始布中州之政  
播仁風於二室流淑氣於三陽猶厯望月之懷遠發  
迎年之問東玄纁而戒匪函珠唾以成箋對使登嘉

附緘展謝籥周一甲久凝玉樹之恩盤薦五辛聊答  
椒花之誦

回王懷棘制臺賀元旦啓 明萬世德

龍躔改候律轉三陽鳳曆更新氣回五始惟時既長  
何福不臻恭惟某官人世熙臺國家壽域緯文經武  
則闡內闡外疇非康濟之猷順治威嚴則時危時安  
總是戢寧之略制四夷于股掌擴萬化于心胸砥柱  
中流直若六鰲之任重擎天一力豈能萬馬之轉移  
鼓角喧喧夷歌成韻旌干簇簇塞草生春喜遲日以  
維和竊上桃李之慶對光風而傳蕙重來椒柏之將

伏念某兩地幕僚六年關吏飽醅醞釀時聞凝清  
之香依被清和每近厨碧幢之伏豈意山林之傲骨  
誤當勃瀆之重肩人皆云塞馬難前恐驚波濤之洶  
湧公獨謂島奴可偃終看檣艣之清夷拜藻麗以眉  
揚奉玄黃而神王無忘大塊欲小子常倚乎松筠尚  
念荒莊望仁人過培夫桃李

回開府賀正啓 明謝肇淛代

天運璇璣歲紀復躔於一甲春生玉帳太和遙溢於  
五辛時叶泰交坐膺純嘏恭惟某官氣排冬凜德婉  
春融岱無霧而海無波壯萬里長城之色文為經而

武爲緯成十年生聚之功富茲獻歲之辰益迓洪鈞  
之福歷山如黛遙瞻淑氣於碧幢潔水流澌預祝恩  
波於紫閣何意瑤華之重已回枯朽之萌其自笑陳  
人復看新曆霜生兩鬢驚逢原隰之皇皇露洒千家  
欣傳德星之奕奕椒盤啓節莫殫頌禱之私樺燭朝  
天願保功名之重

賀元宵

賀余樵院元節啓

明陳幼良

春滿和門燈炬爛群方之焰景舒樂國絃歌藹萬戶  
之音蓋歲災不及三分轉覺吳中之多勝事而百耀  
直通千里適符天上之有清光協氣洋洋歡聲藹藹  
其以聯近邸被昭臨而最先恭對高臺圖奉將而敢  
後聊寫微忱于寸楮略充薄具于數緡迎喜氣以兆  
豐年諒無假燈花之巧卜建洪勳而躋峻秩知不虛  
麩爾之新探附禱惟勤垂存是懇

獲南之...  
 豐年...  
 對...  
 其...  
 直...  
 之...  
 春...  
 賢...  
 賢...

賀端午

賀陳制府端午啓

湖廣

明蘇濬

乾遇乎巽探月窟於宵中帝見乎離布陽律於寓內  
 如日之永與物咸熙恭惟某官咳唾為經步趨中矩  
 方城漢水望實倍乎高深桂嶺珠崖賁已及於草木  
 茲際司權之候正值大火之中海外風恬花含嬌而  
 斜盼簾頭雲捲鳥歛咲而微頰條達千文備日月星  
 辰之狀碎兵百索增文繡金縷之章想南紀之精光  
 慶殊方之嘉節某素蒙陶鑄自幸遭逢依洛浦而獻  
 璫莫續王筠之句入蒼梧而問俗永念陳臨之風敬

薦野老之芹用申長命之祝

賀開府端午啓

河南

明吳國倫

帝懷中土絳騶至而四塞塵清天祚公家朱鷺揚而  
三川沸息恩威交鬯吏庶騰歡某等方以負韉爲幸  
猶慚借箸無能越宋入陳台鼎之儀漸遠自春徂夏  
斗筭之役未停今茲鶉首之期適屆天中之節五兵  
用辟百福駢臻結艾懸蒲均愜太平之願浴蘭沐蕙  
敢忘明德之遺風

賀李中丞禱陽啓

遼東

明萬世德

天動星回化成氣轉緬惟不伴之擁君子克綏喜逢

節序之來嘉時是祝竊自蒼龍舉火陽運呈秋黃雀  
煽風陰潛爲臘豈曰先賢之遺俗式惟大造之應特  
恭惟某官含育太和飛揚熙景下寰中之膏澤如梅  
雨以濯枝表塞上之令儀似斗芒之建午佛狸窺邊  
之已創卑彌奔命以無虞海上倚安攘之猷何用赤  
靈而爲厭遼左肅糾繩之政但將絲繒以相娛某禱  
穢庸才螻蟻小技適風光之薰愜乃逐熟于他邦會  
草木之葳蕤望卽温于雄鎮無階競渡空憶賜羹欲  
奉東蒲敢將角黍芳蘭浴水尚想龍光于綽約細葛  
含風遙馳豸繡之雍容積有惻誠不盡膚臆



賀劉中丞端陽啓

浙江

明馮琦

五彩連華黍律協誕賓之候三星在戶箕疇衍福德  
 之符駕赤日以生輝御長風而宣化歡聲環匝壽祝  
 攸同恭惟某官斗山魏望鼎鉉重臣聚星應太史之  
 占三垣散彩開府秉中丞之鉞八座聯階元吉視履  
 其旋有德白天必祐特維夏午慶洽端初牙蠶高懸  
 兩浙同登泰域旌旗南指八方共協離明某僻守津  
 梁阻趨戟衛滿泛蒲危望懸懸于繡虎猥沾膏沐德  
 鬱鬱其蘭馨蘆葉藏粘粒粒敢忘生植本縉組織絲  
 絲盡屬裁成伏祈百草呈祥六符獻瑞開闢文明在

午勲名赫奕于鼎赫大地長養在夏德澤永綏乎蒼  
 赤合璧長依日月恍焉鑄鏡生明赤靈坐駕風雷爍  
 爾懸符在肘佐虞絃而解愠咸歌南極風薰藹帝曰  
 以如春僉效東城童舞一芹致悃三祝陳詞

賀張撫院端陽啓

湖廣

明蔡復

五日水嬉之節蓋本懷賢萬家日永之歡實閑樂政  
 必懋崇足以忘暑膏黍足以迎豐然後斟酌佳辰詠  
 歌景福勝事專於三楚歡心寫乎群僚恭惟某官茂  
 對乘時長養如夏引江光而鑄鏡形影群材因火令  
 以揚紈溫涼庶物愠其可解黃雀應撫軫重風暘而

既濡朱鵠灑濯枝冷雨干收文舞勝赤符之辟兵杖  
觀化成欣綵絲之續命龍標奮棹鷗矢穿揚良以世  
際太平借屈渡習樓船長枝又慮俗偷無事取陶柳  
鼓藥鞬雄才固非郢客能辨其醉醒而惟筒川始展  
其舟楫者也某揮扇去酷敢忘察吏之心繫縷何長  
更悚省躬之念蘭湯取潔澡志以勿渝艾佩愈疴求  
病於所短獲托有美之景盡賴垂蔭之雲阻兕爵以  
獻蒲矢蜩音而傾藿而神受職占淑氣於中天製草  
揚靈歸純禧於南極

賀撫臺午節啓

廣西

明郝世科

龍舟叩軋楚方競渡之時虎略深沈嶺表洗兵之日  
竹膺渙澤茂對良辰艾葉桃枝翠色映垂門之曉包  
金切玉朱明迎午漏之祥五色絲行沾天賜九千糗  
坐致洪庥籌帷幄而奪標爭炎氛于重險之窟協虞  
絃而解愠轉離明于一陰之時某泛歎無緣沐蘭有  
願緘詞寄遠聊申貢縷之忱撫景臨風若共標竿賞

賀劉督府端午啓

明陸應川

境外烟清已快柳營之解甲天中日未方欣蒲席之  
開樽匪徒印揭百神屏帳乍生輝耀猶且粽包菰米  
闌闌增納慶祥敬勒芹忱聊將菲且馳赴沐芳之候

奉供燕喜之需遙借靈符現  
在在辟兵為樂更懸彩  
縷祈源源續命增長

賀戴制臺端午格

兩廣

明

乾遇乎巽令節方屆天中斗轉乎箕繁祉旋歸幕下  
綵絲表瑞金縷呈歡恭惟某官德朗朱明威加赤郭  
槐龍舞夏晴光頓轉一陰艾虎守辰氛稔盡消五嶺  
日躔星火兩旬共柅南薰台拱離垣百執俱依北曜  
某仰襲蒲芬願上五絲長縷恩沾蘭沐何須重佩兵  
符微忱已豫先庚迅足戒將端午

